

WENDAGBE JOHANU TON

1 **1** TO whéwhéwhenu wẹ Ohó lọ ko tin, Ohó lọ ko tin po Jiwheyewhe po, Ohó lọ wẹ Jiwheyewhe. **2** Ewọ lọ wẹ ko tin to whéwhéwhenu po Jiwheyewhe po. **3** Gbọn alọ etọn mẹ wẹ yè dá onú popo; to godo etọn onú de ma tin bọ yè sọ dá to onú he yè dá lẹpo mẹ. **4** Ewọ mẹ wẹ ogbè te; ogbè lọ sọ wẹ hinhon gbẹtọ lẹ ton. **5** Hinhon lọ sọ bọn to zinlu mẹ; zinlu lọ ma sọ kẹn. **6** Dawe de wá bọ yè dohlan sọn Jiwheyewhe de, oyin mēheton nọ yin Johanu. **7** Ewọ lọ wẹ wá di kunnudetọ, nado dekunnu na hinhon lọ, na gbẹtọ lẹpo nido yise gbọn ewọ dali. **8** Ewọ ma wẹ hinhon lọ gba, sịgba é wá nado dekunnu na hinhon lọ. **9** Ehe wẹ hinhon nugbo lọ, yèdọ hinhon he to wunhón na gbẹtọ lẹpo, he wiwá aihon mẹ. **10** Ewọ ko tin to aihon mẹ, gbọn ewọ mẹ wẹ yè dá aihon, aihon ma sọ yón ẹn. **11** E wá na onú etọn lẹ, omẹ etọn lẹ ma sọ yí i. **12** Sịgba yé omẹ soha he yí i lẹ, yé wẹ é na ojlojẹ nado lẹzùn visunnu Jiwheyewhe ton, yèdọ mēhe yise to oyin etọn mẹ lẹ: **13** mēhe yé ji, é ma yin gbọn ohùn dali, kavi gbọn ojlo agbasalan ton dali, mọ é ma yin gbọn ojlo gbẹtọ ton dali, adavo sọn Jiwheyewhe dali. **14** Yè sọ lẹ Ohó lọ zùn agbasalan, é sọ nọ mí sẹn sẹn, mí pón gigo etọn, gigo he di Ovi dètọn dopo akàn sọn Otọ de, mēhe gọ na ojomiọn po nugbo po. **15** Johanu dekunnu nẹ, bo dawhá, dọmọ, Ehe wẹ, ohó mēhe ton yẹn dọ, dọmọ,

Mēhe ja to godo sịe, é húgan mí; na é ko lẹzùn nukontọ na mí wutu. **16** Na sọn gígọ etọn mẹ wẹ mí omẹ pọ moyí te, podọ ojomiọn na ojomiọn. **17** Na gbọn Mose mẹ wẹ yè na osẹn omẹ, sịgba Jesu Klisti mẹ wẹ ojomiọn po nugbo po gbọn wá. **18** Mēde ma mọ Jiwheyewhe gbède; Ovi dètọn dopo akàn lọ, he ko tin to akónnu Otọ ton, ewọ lọ wẹ do e hia.

19 Ehe wẹ okunnu Johanu ton, whe-nuena Ju lẹ do yewhenọ lẹ, po Levite lẹ po hlan sọn Jelusalem nado kanbiọ ẹ dọ, Mẹnụ wẹ hiẹ? **20** Ewọ sọ yigbè, é ma mọnu; sịgba é yigbè dọ, Yẹn ma wẹ Klisti lọ gba. **21** Yé sọ kanse e dọ, Bé mẹnụ wẹ? Bé Eliya wẹ hiẹ? E sọ dọmọ, Yẹn ma yin ewọ gba. Bé hiẹ wẹ yewhegán nẹ? Ewọ sọ gblọn dọmọ, Lala. **22** Whenenu yé dọ hlan ẹn, dọ, Mẹnụ wẹ hiẹ? na mí nido nagbè mēhe do mí hlan lẹ. Etẹwẹ hiẹ dọ gbọn dewe ton dali? **23** E dọmọ, Yẹn wẹ ogbè mēhe ton to awhádo to zúngbo mẹ, Mí basi ali Oklunọ ton do titegbe, dole yewhegán Isaia dọ do. **24** Yé sọ do yé hlan sọn ogbè Falesi lẹ ton mẹ. **25** Yé kanbiọ ẹ, bo dọ hlan ẹn, dọ, Etẹwutu wẹ hiẹ to bibaptizi, eyin hiẹ ma yin Klisti lọ, kavi Eliya, kavi yewhegán nẹ? **26** Johanu sọ gblọn-na yé dọ, Yẹn yí osin do baptizi: dawede to ote to sẹn sẹn miton, mēhe mí ma yónnẹ; **27** mēhe ja to godo sịe, afopakan mēheton yẹn ma jẹ na tún. **28** Onú helẹ wẹ yé basi to Betania, to Jodani godo, to ofi he Johanu to bibaptizi te.

29 To azán awetò gbè, Johanu mọ Jesu ja e de, bo òmọ, Pón Lẹngbọvu Jiwheyewhe tọn, he zé ylando aihon tọn yi. 30 Ehe we, ohó mēhe tọn yẹn dọ, òmọ, Dawe de ja to godo sie, mēhe hùgan mi: na é ko lẹzùn nukontọ na mi wutu. 31 Yẹn ma sọ yón ẹn, siḡba na yè nido sọ e hia na Israeli, enẹwutu wẹ yew wá, bo yi osin do to bibaptizi. 32 Johanu sọ dekunnu, bo òmọ, Yẹn mọ Gbigbọ jete sọn olon di apoe de, é jete do e ji. 33 Yẹn ma sọ yón ẹn, siḡba mēhe do mi hlan nado yi osin do baptizi, ewọ wẹ dọ hlan mi, dọ, Ota mēhe tọn ji hiẹ mọ, bọ Gbigbọ jẹ do, bọ é nọte to e ji, ewọ lọ wẹ, mēhe nọ yi Gbigbọ Wiwé do baptizi. 34 Yẹn ko mọ ẹn, bo ko dekunnu dọ ehe wẹ Ovi Jiwheyewhe tọn.

35 Azán awetò godo Johanu wọ siḡte po nuplontọ etọn awe po; 36 e to pinpón Jesu dile é to zonlinzin do, bo òmọ, Pón Lẹngbọvu Jiwheyewhe tọn! 37 Nuplontọ awe lẹ sẹ whenuena é dọ, yé sọ hodo Jesu, 38 Whẹnenu wẹ Jesu lẹgodo, bo mọ yé to hihodo e, bo sọ dọ hlan yé, òmọ, Etẹwẹ mi to dindin? Yé dọ hlan ẹn, dọ, Labbi, (tadena ehe tọn yin, Mēplóntọ,) fie wẹ hiẹ nonọ? 39 E sọ dọ hlan yé, dọ, Wá, mi nasọ mọ. Yé wá, bo sọ mọ fie é nonọ, yé sọ nọ po e po to gbènegbè: na é yi ojile ogán aotọ tọn mẹ. 40 Dopo to omẹ awe he sẹ whenuena Johanu òhó, bo sọ hodo e lẹ mẹ, wẹ Andlé, nọvisunnu Simọni Pita tọn. 41 E din Simọni nọvisunnu etọn lọsọ mọ whẹ, bo sọ dọ hlan ẹn, dọ, Míwẹ ko mọ Messiya lọ, (tadena ehe tọn yin, Klisti). 42 E sọ hẹn ẹn wá Jesu de. Whenuena Jesu pón ẹn, é òmọ, Hiẹ wẹ Simọni ovisunnu Johanu tọn, Kefa yé na nọ ylọ we dọ, (tadena ehe tọn yin, Osé).

43 To azán awetò gbè, é jlo na tónjẹgbonu yi Galili, é sọ pón Filipi: Jesu sọ dọ hlan ẹn, dọ, Hodo mi. 44 Betsaidato wẹ Filipi, otò Andlé po Pita po tọn. 45 Filipi sọ mọ Natanaeli, bo dọ hlan ẹn, dọ, Míwẹ ko mọ ẹn, mēhe Moḡe to osẹn mẹ, po yewhegán lẹ po kanwé etọn, Jesu Nazaletí tọn, ovi Josefu tọn. 46 Natanaeli sọ dọ hlan ẹn, dọ, Bé onú dagbe de sogan tón sọn Nazaletí? Filipi dọ hlan ẹn, dọ, Wá pón. 47 Jesu mọ Natanaeli ja e de, é dọ gbọn etọn dali, dọ, Pón Israelinu nugbo, mēhe mẹ oblu ma tin tel! 48 Natanaeli sọ dọ hlan ẹn, dọ, Fie hiẹ yón mi sọn? Jesu gbłon bo

dọ hlan ẹn, dọ, Whẹpo Filipi ylọ we, whenuena hiẹ tin to ovotin gọ, yẹn ko mọ we. 49 Natanaeli gbłon nẹ dọ, Labbi, hiẹ wẹ Ovi Jiwheyewhe tọn; hiẹ wẹ Ahọlu Israeli tọn. 50 Jesu gbłon, bẹ dọ hlan ẹn, dọ, Hiẹ yise na yẹn dọ hlan we, dọ, Yẹn ko mọ we whenuena hiẹ tin to ovotin gọ wutu? hiẹ na mọ onú he hù ehele. 51 E sọ dọ, hlan ẹn, dọ, Nugbo, nugbo, wẹ yẹn dọ hlan mi, Mi na mọ olon hùn do nuvo, angeli Jiwheyewhe tọn lẹ na to aga hẹ bo to teḡe do Ovi gbẹtọ tọn ji.

2 1 TO azán atọntọ mẹ ałowle de tin to Kana Galili tọn; onọ Jesu tọn sọ tin to fiḡ: 2 yé sọ ylọ Jesu po nuplontọ etọn lẹ po do ałowle lọ kón. 3 Whenuena ovẹn gbòdà, onọ Jesu tọn dọ hlan ẹn, dọ, Yé ma tindo ovẹn gba. 4 Jesu sọ dọ hlan ẹn, dọ, Nawe, etẹwẹ yẹn do na wá hẹ we? ojile sie ma ko wá gba. 5 Onọ etọn sọ dọ hlan lizoniyító lẹ, dọ, Onú depope é dọ hlan mi, mi wá e. 6 Ozẹn ozannu tọn gidopo deḡ tin bo yé ko zé tunte to fiḡ, dile wálo lẹwé Ju lẹ tọn te, dopodopo yeton hẹn otọḡen awe kavi aton hunkọ. 7 Jesu sọ dọ hlan yé, dọ, Mi dá osin gọ ozẹn lẹ. Yé sọ dá osin gọ yé kaka jẹ onú. 8 E sọ dọ, Mi bà e dinvie, bo zé yi na ogán nùdùdù tọn. Yé sọ zé e yi. 9 Whenuena ogán nùdùdù tọn dọ osin he yé diọ zùn ovẹn pón, bo ma yón ofi he é sọn, (siḡba lizoniyító he bà osin lẹ yonẹn); ogán nùdùdù tọn ylọ asisunọ lọ, 10 Bo sọ dọ hlan ẹn, dọ, Omẹ popo to whẹwhẹwhenu nọ zé ovẹn dagbe jẹgbonu; whenuena gbẹtọ lẹ ko muahàn dagbedagbe, whẹnenu ehe ylanhù: siḡba hiẹ to ovẹn dagbe gòpayi kaka jẹ dinvie. 11 Ehe wẹ ohia tintan he Jesu wá to Kana Galili tọn, bo de gigo etọn do gbangba; nuplontọ etọn lẹ sọyi i sẹ.

12 To godo ehe tọn, é jete yi Kapelnaumi, ewọ po onọ etọn po, po mēmẹsunnu etọn lẹ po, po nuplontọ etọn lẹ po; yé ma sọ nọte to fiḡ hẹ azán susu gba.

13 Juwayi Ju lẹ tọn sẹpọ, Jesu sọ héji yi Jelusalem. 14 E sọ mọ to tẹmpli mẹ yé he to oyin po lẹngbọ po, po apoe lẹ po sà, po akuediọtọ lẹ po sinai: 15 whenuena é yi okán tẹḡe de do basi oba, é yàn yé omẹ pọ jẹgbonu sọn tẹmpli mẹ, lẹngbọ po oyin lẹ po; bo sọ diọ akue akuediọtọ lẹ tọn konyingbe, bo takiti na tafo lẹ; 16 bo dọ hlan yé he to apoe sà

lẹ dọ, Mi zé onú heḷe sọn ofi; mi yí ohò Otó siẹ tọn do basi ohò aḷo tọn blo. 17 Nuplontọ etọn lẹ sọ fin dọ yè ko kanwé dọ, Vivenu ohò towe tọn dù mi pó.¹ 18 Enẹwutu Ju lẹ gbọn, bo dọ hlan ẹn, do, Ohia tẹwẹ hiẹ yí hia hlan mí, hiẹ mēhe to onú heḷe wá? 19 Jesu sọ gbọn bo dọ hlan yé, do, Mi hó tẹmpli he liai, to azán atọn mē yẹn nasọ zé e do ote. 20 Enẹwutu Ju lẹ dọ hlan ẹn, do, Owhe kandesidopo wẹ yè dọ gbá tẹmpli * he, bé hiẹ na zé e do ote to azán atọn mē? 21 Sigba tẹmpli * agbasa etọn tọn wẹ é to dido. 22 Enẹwutu whenuena é fón sọn okú, nuplontọ etọn lẹ fin dọ é ko dọ ehe; yé sọ yí Owé wiwé sè, po ohò he Jesu dọ po.

23 Whenuena é tin to Jerusalem to juwáyi kọn, to húnwhezángbè, omẹ susu yise to oyin etọn mē, whenuena yé mọ ohia he é basi. 24 Sigba Jesu losu ma sisé ede hlan yé gba; na é yón gbẹtọ lẹpo, 25 Podọ é ma yin núwhèdonọ dọ omẹ de na do dekunnu gbọn gbẹtọ † tọn dali wutu: na ewọ losu yón núhe tin to gbẹtọ homẹ.

3 1 DAWE de tin to Falẹsi lẹ mē, he yè nọ ylo Nikodemi, ogán Ju lẹ tọn de: 2 ewọ lọ wẹ wá Jesu de to ozán mē, bo dọ hlan ẹn, do, Labbi, miwle yonẹn dọ, mēplontọ sọn Jiwheyewhe de wá wẹ hiẹ: na mēhe sọgan basi ohia he hiẹ to bibasi heḷe de ma tin, adavo Jiwheyewhe tin po e po. 3 Jesu gbọn bo dọ hlan ẹn, do, Nugbo, nugbo, wẹ yẹn dọ hlan we, Adavo yè vọ gbẹtọ ji, ewọ ma sọgan mọ aholudu Jiwheyewhe tọn. 4 Nikodemi sọ dọ hlan ẹn, do, Nawẹ yè sọgan ji gbẹtọ do, whenuena é ko whẹn pó? é sọgan sọ vọ ohò onọ etọn tọn mē biọ whlawetọ bo yin jiji? 5 Jesu gbọn domọ, Nugbo, nugbo, wẹ yẹn dọ hlan we, Adavo yé yí osin po Gbigbo po do ji gbẹtọ ewọ ma sọgan biọ aholudu Jiwheyewhe tọn mē. 6 Ehe yé ji gbọn agbasa dali agbasa wẹ; ehe yé ji gbọn Gbigbo dali gbigbo wẹ. 7 Avò vọ we blo, na yẹn dọ hlan we, do, Yé ma sọgan nọ ma vọ mí ji wutu. 8 Jẹhon to yinyin † do ofi he é jlo, hiẹ sọ sè ogbè etọn, sigba hiẹ ma

yón ofi he é sọn wá, podọ ofi he é jei: mọkedẹ wẹ mēdepope he yé ji gbọn Gbigbo dali. 9 Nikodemi sọ gbọn, bo dọ hlan ẹn, do, Nawẹ onú heḷe sọgan wá do yin mọ? 10 Jesu sọ gbọn bo dọ hlan ẹn domọ, Hiẹ wẹ mēplontọ Israeli tọn lọ bo ma yón onú heḷe gba? 11 Nugbo, nugbo, wẹ yẹn dọ hlan we, Miwle to onú he mí yonẹn lẹ dọ, bo sọ to kunnu onú he mí mọ lẹ tọn de; miwle ma sọ yí kunnude mifon. 12 Eyin yẹn dọ onú aihon he tọn lẹ na mí, bo mí ma yise, nawẹ mí na yise do, eyin yẹn dọ onú olon tọn na mí? 13 Mēde ma hé aga yi olon, adavo mēhe jete sọn olon, yèdọ Ovi gbẹtọ tọn lọ. 14 Dile Moşẹ zé odán do aga to zungbo mē, mọkedẹ wẹ yé ma sọgan nọ ma zé Ovi gbẹtọ tọn do aga: 15 na mēdepope he yise nido tindo ogbè madopodo to e mē.

16 Na Jiwheyewhe yiwanna aihon sọmọ bo é yí Ovi dètọn etọn dopo akán namẹ, na mēdepope he yí i sè ma nado dọn, sigba é nido tindo ogbè madopodo. 17 Na Jiwheyewhe ma do Ovi hlan aihon mē nado dawhena aihon gba: sigba na yè nido gbọn ewọ mē whlẹn aihon gán. 18 Mēdepope he yí i sè yè ma dawhena gba: ewọ he ma yí i sè yè ko dawhè nẹ dai, na é ma yí oyin Ovi dètọn dopo akán Jiwheyewhe tọn lọ sè wutu. 19 Ehe wẹ owhe, dọ hinhon wá aihon mē, bo gbẹtọ yiwanna zinvolu hú hinhon, na oylan wẹ azọn yeton lẹ wutu. 20 Na mēdepope he wá danu wẹ nọ gbewanna hinhon, é ma sọ nọ wá hinhon nu, yè niká wọhe azọn etọn lẹ. 21 Sigba mēhe wá nugbo wẹ nọ wá hinhon nu, na yè nido do azọn etọn lẹ hia, dọ yè basi yé to Jiwheyewhe me. §

22 To oa i heḷe godo Jesu po nuplontọ etọn lẹ po wá algba Judé tọn ji; finẹ é nọte hẹ yé te bo baptizi. 23 Johanu ga to bibaptizl to Enonu he sepọ Salimi, na osin susu tin to finẹ: yé wá, yé sọ baptizi yé. 24 Na yè ma ko zé Johanu dlan oganhọ mē kaka jẹ dinvie. 25 Enẹwutu ohókanbiọ de fón to nuplontọ Johanu tọn dele, po Ju de po sẹnẹn gbọn oléwé dali. 26 Yé wá Johanu de, bo dọ hlan ẹn, do, Labbi, mēhe nọ hẹ we to Jodani godo,

* Kavi, s̄wiwe.

† Kavi, Gbigbo lọ to gbigbo.

† Kavi, de . . . lọ.

§ Kavi, wutu.

mêhe hiê dekunnuna, do ayi e go, ewo lo to bibaptizi, gbêto lepo so to wiwá e de. 27 Johanu so gblon bo domo, Mède ma soğan mọ núde yi, adavo yè na en son olon. 28 Miloşu dekunnuna mi, do yen domo, Yen ma wẹ Klisti lo gba, sigba do yen wẹ yè dohlan nukon nẹ. 29 Ewo mēhe tindo asiyoŷo wẹ asisuno: sigba honton asisuno ton, he site bo to ogbè eton sè jaya susu na é sè ogbè asisuno ton wutu: enewutu yè hen ayaje sie he zun gigo. 30 Ewo ma soğan no ma sudeji, sigba yen ma soğan no ma depò.

31 Ewo mēhe son aga hūgan yé omẹ pó: mēhe son aigba, aigba ton wẹ, é so no dho aigba ton, mēhe son olon wá hūgan yé omẹ pó. 32 Onú he ewo mọ bo so sè, enẹ wẹ é to kunnude na, mēde ma so yi okunnu eton. 33 Mēhe yi okunnu eton to kunnude do nugbo we Jiwheyewhe. 34 Na mēhe Jiwheyewhe dohlan wẹ do ohó Jiwheyewhe ton: na é ma na Gbigbo to ojłenu mę gba. 35 Otó yiwána Ovi, bo yi onú lepo do ało eton mę. 36 Mēhe yise to Ovi mę tindo ogbè madopodo: mēhe ma yise to Ovi mę, ma to na mọ ogbè; sigba homęgble Jiwheyewhe ton note to e ji.

4 1 ENEWUTU whenuena Okluno yonen do Falesi le ko sè do Jesu to bibasi, bo so to bibaptizi nuplonto susu hú Johanu, 2 (sigba Jesu losu ma baptizi gba, adavo nuplonto eton le,) 3 é jo Judé do bo so góyi Galili. 4 Ewo ma soğan no ma jugbon Samalia sensen wá yi gba. 5 Mowé é wá otò Samalia ton de mę, he yè no ylo Sikali, ehe sepo aigba loboto he Jakubu na Josefú ovi eton. 6 Odótò Jakubu ton tin to finę. Enewutu le nudikona Jesu, na zonlin eton wutu, é sinai dole to odótò lo ji: é yi ojle sido-poto okle ton. 7 Yonnu Samalia ton de wá nado don osin: Jesu so do hlan en, do, Na mi ma nú. 8 (Na nuplonto eton le ko yi otò mę nado hò núddú.) 9 Enewutu yonnu Samalia ton lo do hlan en, do, Na é yin do bo hię mēhe yin Ju to onúnúnú kanbio mi, yen mēhe yin yonnu Samalia ton? na Ju le ma no wándopọ he Samalisto le gba. 10 Jesu gblon, bo do hlan en, do, Eyin hię yon núnina Jiwheyewhe ton, po mēhe do hlan wẹ, do, Na mi ma nú po; hię do so kanbio son e si, ewo do ko so na osin ogbèno we. 11 Nawe lo so do hlan en,

do, Mədəho, hię ma tindo onú he hię na yi do don, mọ odótò lo so siso: fię ka wẹ hię tindo osin ogbèno lo son? 12 Bé hię klohi Jakubu otó miton, mēhe na odótò lo mí, bo ewo losu nú son e mę, ovi eton le, po okanlin eton le po ga? 13 Jesu gblon bo do hlan en, do, Mədəpepe he nú son osin he mę ové nasọ wọ ẹ hú. 14 Sigba mēdepepe he nú osin he yen na na en ové ma na hú i gbède; sigba osin he yen na na en, na lezun odótò osin ton de to ohó eton mę, he na to sisá hlan le ogbè madopodo. 15 Nawe lo so do hlan en, do, Mədəho, na osin he mi, bo ové ma nasọ hú mi, na yen ma na so do wá ofi nado don ba. 16 Jesu so do hlan en, do, Yi, ylo asú towe, na hię ni wá ofi. 17 Nawe lo so do hlan en, domo, Yen ma tindo asú de. Jesu do hlan en, do, Hię do dagbe do yen ma tindo asú de: 18 na hię ko tindo asú aton dai; podọ mēhe hię tindo dinvie ma yin asú towe gba: nugbo wẹ ehe hię do. 19 Nawe lo so do hlan en, do, Mədəho, yen mọ do yewhegan de wẹ hię. 20 Otó miton le sèn to osó he ji; bo miwle domo, Jelusalem mę wẹ oten ofi he je gbeto le nado no sèn te. 21 Jesu so do hlan en, do, Nawe, yi mi sè, ojle lo ja, whenuena é ma na yin osó he ji, kavi Jelusalem mę wẹ mi nasọ no sèn Otó gba. 22 Mi to enę he mi ma yonen sèn: miwle to enę he miwle yonen sèn: na Ju le de wẹ whlangan son. 23 Sigba ojle lo ja, dinvie so wẹ, whenuena sinsento nugbono le na sèn Otó to Gbigbo po nugbo po mę: na nugbo memonko wẹ Otó to dindin nado yin sinsento eton le. 24 Gbigbo wẹ Jiwheyewhe: é je yé he to sinsen en le ni no sèn en to gbigbo mę podọ to nugbo mę. 25 Nawe lo so do hlan en, do, Yen yonen do Messia ja, mēhe yè no ylo Klisti: whenuena é wá, é na lá onú lepo hlan mí. 26 Jesu do hlan en, do, Yen mēhe to hodo hę wẹ wẹ ewo lo.

27 To ehe mę wẹ nuplonto eton le go, avò so wọ yé, na é to hodo hę yonnusi de: sigba mēde ma do, Etẹwẹ hię to dindin? kavi, Etẹwutu wẹ hię to hodo hę ẹ? 28 Whenuena nawe lo jo otọzen eton dai, bo yi otò mę, bo do hlan gbeto le, do, 29 Mi wá pón dawé de, mēhe do onú he yen ko no wá lepo na mi: bé Klisti lo ma die? 30 Yé tọnjẹ-gbonu son otò mę, bo wá e de. 31 To osá vude nuplonto eton le to wẹwẹ nẹ domo,

Mepłónto, dùnú. 32 Sígba é dọ hlan yé, dọ, Yẹn tindo nùdùdù de na dù, ehe miwle ma yónen. 33 Enewutu nuplontọ lẹ to didọ hlan yénpozo. dọ, Mède ko hèn nùde wá nẹ na dù wẹ? 34 Jesu sọ dọ hlan yé, dọ, Nùdùdù sie wẹ nado wá ojlo mède do mi hlan tọn podọ nado dotana azón etọn 35 Bé miwle ma nọ dọ, E pò osùn enẹ dogó, whenenu wẹ gbìngbèn whenu? pón, yẹn dọ hlan mi, Mì zé nukun miton do aga, bo pón odanji; na yé ko whẹn na gbìngbèn. 36 Ewọ he doji ko mọ azónkọ yí, bo sọ bẹ sinsẹn pli hlan ogbè madopódo: na ewọ he doji po ewọ he gbèn po, nido jaya dopọ dinvie. 37 Na didọ he yín nugbo to fime, Omède doji, mèdevo gbèn. 38 Yẹn dọ miwle hlan nado gbèn onú nẹ fieji miwle ma ko jẹtukla do: mèdevo lẹ ko jẹtukla, yé sọ hèn mi biọ tuklajẹ yeton mẹ.

39 Susu Samaliatọ he tin to otó lọ mẹ tọn sọ yí i sè na ohó nawe lọ tọn wutu, mèche domọ, E dọ onú he yẹn ko nọ wá lẹpo na mi. 40 Mọwẹ whenuena Samaliatọ lẹ wá e de, yé vẹ ẹ nado nonọ yé de: é sọ nọ finẹ azán awe. 41 Omẹ susu dogó yise na ohó ewlọsu tọn wutu; 42 yé sọ dọ hlan nawe lọ, domọ, Mí yise dinvie, é ma yín na ohó towe wutu gba; na miwłosu sè ohó eton na mède, bo sọ yónen dọ, ehe wẹ Whlengantọ aibon tọn lọ nugbo.

43 To azán awe lẹ godo, é tónyi sọn finẹ biọ Galili mẹ. 44 Na Jesu lọsu ko dekunnu dọ, Yewhegán ma tindo yeji to otó ewlọsu tọn mẹ gba. 45 Enewutu whenuena é wá Galili, Galilitọ lẹ yí i do, na yé ko mọ onú he é wá to hùnhwẹ whenu to Jerusalém lẹpo: na yéwłosu yí hùnhwẹ lọ ga.

46 Mọwẹ é sọ vọ gọ wá Kana Galili tọn, to ofi he é didọ osin zùn ovẹn te. Ogán de tin to finẹ, mèche ovi eton sunnu jẹazọn to Kapelnaumi. 47 Whenuena é sè dọ Jesu ko tón sọn Judé wá Galili, é wá e de, bo vẹ ẹ, na é ni jete wá nado henazongbọna ovi eton, na é tin to okú dùn. 48 Whenenu Jesu dọ hlan en, dọ, Eyín miwle ma mọ ohia pọ azón jawu po, miwle ma na yise gbọn alọ depope mẹ. 49 Ogán lọ sọ dọ hlan en, domọ, Mèdaho, jete wá whẹpo ovi sie nido kú. 50 Jesu dọ hlan en dọ, Yí, ovi towe gán. Dawe lọ sọ yí ohó he Jesu dọ hlan en sè, bo sọ yí. 51 Le é jete jei, atánumẹ eton lẹ wá pé e, bo dọ hlan en, dọ, Ovi towe

gán. 52 Mọwẹ é kanbiọ ojẹ tẹ mẹ wẹ é sẹ gbìgbọ nẹ te. Enewutu yé dọ hlan en, dọ, Osọ to ogán sinawe mẹ wẹ awivo lọ jo e do. 53 Mọwẹ otó lọ yónen dọ to ojẹ doponẹ mẹ wẹ, ehe mẹ Jesu dọ hlan en, dọ, Ovi towe gán: ewlọsu sọ yise po whédó eton lẹpo. 54 Ehe sọ wẹ ohia awetọ lọ he Jesu basi, é tinton sọn Judé mẹ biọ Galili mẹ.

5 1 TO ehogodo hùnhwẹ Ju lẹ tọn de tin; Jesu sọ héji yí Jerusalém.

2 Otándo de tin to Jerusalém, to hòngbo lengbo tọn dali, he yé nọ ylo Betsata to ogbè Heblu tọn mẹ, ehe tindo hòngnu-wá atón. 3 To ehele mẹ wẹ susu pótẹn lẹ tọn, nukuntónno lẹ, sẹkuno lẹ, po agbasakunọ lẹ po mlónai do, (yé to tenopón whinwhàn osin tọn. 4 Na to ojẹ de mẹ angeli de nọ jete yí otándo lọ mẹ, bo nọ wlu osin: enẹwutu mède-pope he whéwhé doafọ e mẹ, to godo whenu yé ko wlu osin lọ, yé hèn en jẹ gángán sọn azọn depope he é tindo mẹ.) 5 Dawe de tin to finẹ, mèche do lanmè-malo sọn owhé gbàntónnukunatón gbòn. 6 Whenuena Jesu mọ en to aimimlón, bo sọ yónen dọ dinvie é ko tin to omọ é dẹn, é dọ hlan en, dọ, Hiẹ jlo yé ni hèn azọn towe gbọ na we? 7 Dawe azóntọ lọ gbłon, bo dọ hlan en, dọ, Oklunọ, yẹn ma tindo mède whenuena yé wlu osin nado zé mi do otándo mẹ: sígba whenuena yẹn ja, mèdevo jete doafọ e mẹ jenukonna mi. 8 Jesu sọ dọ hlan en, dọ, Fón, zé adózan towe, bo zinzonlin. 9 Plaun yé henazongbọna dawe lọ, é zé adózan eton, bo zinzonlin:

E sọ yín gbojẹzàngbè to azán doponẹ gbè. 10 Enewutu Ju lẹ dọ hlan dawé lọ mèche yé henazongbọna, domọ, Gbojẹzàngbè wẹ egbè: é ma jẹ na we nado zé adózan towe gba. 11 Sígba é sọ gbłon dọ hlan yé, domọ, Mèche henazongbọna mi, dopolọ wẹ dọ hlan mi, dọ, Zé adózan towe, bo zinzonlin. 12 Yé kanbiọ ẹ dọ, Menu wẹ gbẹtọ he dọ hlan we, dọ, Zé adózan towe, bo zinzonlin? 13 Sígba mèche yé henazongbọna lọ ma yón mèche é yín: na Jesu ko tón sọn finẹ, na agúndaho tin to finẹ wutu. 14 Jesu wá mọ en to templi mẹ to godo, bo dọ hlan en, dọ, Do ayi e go, yé henazongbọna we: a sọ wáylan ba blo, onú he yianhú ehe níká jọ do ogo we. 15 Dawe lọ tónyi, bo dọ hlan Ju lẹ, dọ, Jesu wẹ mèche he-

nazôngbô nê. 16 Enêwutu wê Ju lẹ dohòmèkèn Jesu, na é wà onú helẹ to gbojézàngbè wutu. 17 Şigba é gbłon dọ hlan yé, domọ, Otọ şie wázón kaka jẹ dinvie, yèn sọ wázón. 18 Enêwutu Ju lẹ sọ din susu nado hú 1, é ma yín é hẹn gbojézán gbẹ tọn kẹdẹ wutu gba, şigba é dọ ga, dọ Jiwheyewhe wê Otọ etọn, é basi ede sọzen hẹ Jiwheyewhe.

19 Enêwutu Jesu gbłon, bo dọ hlan yé, domọ,

Nugbo, nugbo, wê yèn dọ hlan mi, Ovi ma sọgan wà núde ededenu, adavo onú he é mọ Otọ wà: na núdepope he é wà, ehele wê Ovi to wiwà mọ ga. 20 Na Otọ yiwána Ovi, bo sọ yí onú he ewlọsu to wiwà lẹpo hia ẹ: ewọ nasọ do azón he klohú ehele hia ẹ, na awú nido ji mi. 21 Na dile Otọ to osiọ fón, bo sọ to yé hẹn do ogbè; mọkẹdẹ wê Ovi sọ nọ hẹn mehe é jlo lẹ do ogbè ga. 22 Na Otọ ma nọ dawhẹ mēdepope tọn, şigba é ko yí whédida lẹpo na Ovi: 23 na omẹ pónido na yeyi Ovi, kẹdẹdile yé to yeyi na Otọ do. Mēdepope he ma na yeyi Ovi, é ma na yeyi Otọ mehe do e hlan. 24 Nugbo, nugbo, wê yèn dọ hlan mi, Mēdepope he sè ohó şie, bo sọ yí mehe do mi hlan sè, é tindo ogbè madopodo, é ma na biọ whédida mē gba; şigba é tón sọn okú mē biọ ogbè mē. 25 Nugbo, nugbo, wê yèn dọ hlan mi, Ojle lọ ja, dinvie sọ wê, whenuena osiọ lẹ na sè ogbè Ovi Jiwheyewhe tọn tọn: mehe sọ sè lẹ na tin to ogbè. 26 Na dile Otọ tindo ogbè to ede mē; mọkẹdẹ wê é yí na Ovi ga nado tindo ogbè to ede mē; 27 bo sọ na hublọn ẹn nado dawhẹ ga, na é yín Ovi gbẹtọ tọn wutu. 28 Avò vò mi na ehe wutu blo: na ojle lọ ja, to ehe mē omẹ he tin to yòdo mē lẹpo na sè ogbè etọn, 29 bo na tónjẹgbonu; mehe wà dagbe lẹ hlan fónsonku ogbè tọn; mehe wà oylan lẹ hlan fónsonku whédida tọn.

30 Yèn ma sọgan wà onú depope dedėnu gba; le yèn sè, we yèn to whèda do: dódó wê whédida şie: na yèn ma to ojlo şie lọsu din gba, adavo ojlo mehe do mi hlan tọn. 31 Eyin yèn to kunnudena dă, okunnu şie ma yin nugbo gba. 32 Mēdevo tin, mehe to kunnudena mi; yèn sọ yónen dọ nugbo wê okunnu he é to dide na mi. 33 Miwle dowen hlan Johanu de, ewọ ko sọ dekunnu hlan nugbo. 34 Şigba yèn ma yí okunnu sọn gbẹtọ de gba; şigba onú helẹ

wê yèn to dido, na yé nido whlẹn mi gán. 35 Miyóngban lọ he to jiji bo to sişẹ ko wê ewọ, miwle ko sọ jlo to ojle de mē nado jaya to hinhón etọn mē. 36 Şigba yèn tindo okunnu de klohú Johanu tọn, na azón he Otọ şie ko na mi nado dotana lẹ, azón lọsu lẹ he yèn wà, to kunnudena mi dọ, Otọ wê do mi hlan. 37 Otọ mehe do mi hlan, é ko dekunnuna mi. Miwle ma ko sè ogbè etọn gbède, mọwẹ mi ma mọ ohia etọn gbède. 38 Mi ma sọ tindo ohó etọn ninọ to mi hòme gba: na mehe é dohlan, ewọ wê mi ma yise. 39 Mi owé wiwe lẹ dinmọ, na mi lẹn dọ yé mē mi tindo ogbè madopodo te wutu; podọ ehele sọ wê yé he to kunnudena mi. 40 Mi ma sọ jlo na wá dē, na mi nido tindo ogbè. 41 Yèn ma yí gigo sọn gbẹtọ si gba. 42 Şigba yèn yón mi dọ, mi ma tindo owányi Jiwheyewhe tọn to mi hòme gba. 43 Yèn wá to oyin Otọ şie tọn mē, mi ma sọ yí mi: eyin mēdevo wá to oyin ede tọn mē, ewọ wê mi na yí. 44 Nawẹ mi sọgan yise do, zì mehe to yeyi yí sọn minzóọ de, bo ma din yeyi he sọn Jiwheyewhe sokẹdẹ de? 45 Mi lẹn dọ yèn na slẹ mi hlan Otọ blo: mēde tin mehe to mi slẹ, yèdọ Mose, mehe go mi dotudo. 46 Na eyin mi ko yí Mose sè, mi do ko yí mi sè: na owé şie wê ewọ kán wutu. 47 Şigba eyin miwle ma yí owé etọn se, nawẹ mi na yí ohó şie sè do?

6 1 TO onú helẹ godo, Jesu sọ juwáyí ohú Galili tọn godo, he yín ohú Tibé-liade tọn. 2 Gbẹtọ susu hodo e na yé mọ ohia etọn he é basi do yé he jeazón go lẹ wutu. 3 Jesu sọ héjì yí osó ló jì, finẹ wé é sinai te po nuplontọ etọn lẹ po. 4 Juwayi, húnwhẹ Ju lẹ tọn, şepọ. 5 Enêwutu whenuena Jesu zé nukun etọn do aga, bo mọ agúndaho de wá e de, é dọ hlan, Filipi, dọ, Fiẹ wê mí na hò akla te na omẹ helẹ nido dù? 6 E dọ ehe nado whle e pón; na ewlọsu yón onú he é do wá. 7 Filipi gbłon dọ hlan ẹn, dọ, Akla abọgan-kue fode tọn ma pé mehe lẹ, na mēdopodo yeton nido yí pẹpe. 8 Dọpo to nuplontọ etọn lẹ mē, Andlé, nọvisunnu Simóni Pita tọn, dọ hlan ẹn, dọ, 9 Yoposunnu de tin to ofi he tindo akla bale tọn atọn, po whèvi pẹviyevi awe po: şigba etéwé enele yín to omẹ plánplan helẹ şenşen? 10 Jesu sọ dọmọ, Mi hẹn gbẹtọ lẹ jagla. Ogbé susu sọ tin to finẹ. Enêwutu sunnu lẹ jagla, na hihia yé

yi degbadefótón. 11 Jesu yi akla lẹ: whenuena é dopé, é má yé na mēhe jagla lẹ; mọkẹdẹ wẹ whẹvi sọha he yé jlo. 12 Whenuena yé ko góhò, é dọ hlan nuplontọ etọn lẹ, dọ Mì bẹ dúpò he pò pli, yé hẹn núde gú blo. 13 Enẹwutu yé bẹ yé plidopo, yé gọ oha wiawe sọn dúpò he pòai bo sọ sùhúgan na yé omẹ he dù sọn akla atón bale tọn mẹ lẹ. 14 Mowẹ whenuena gbẹtọ lẹ mọ ohia he é basi, yé domọ, Nugbo, ehe wẹ yewhẹgán he ja aihon mẹ lọ.

15 Enẹwutu whenuena Jesu tunwun dọ yé pọ yíyí huhlón do hẹn ẹn do basi aholu, é sọ wọ gọyí osó de ji ewọ dopokẹdẹ.

16 Whenuena ozán kú, nuplontọ etọn lẹ jẹte yi ohù mẹ, 17 yé sọ biọ vátlẹ de mẹ, bo gbò ohù pia yi Kapelnaumi dali. Zinvu sọ do dinvie, Jesu ma ko jẹ yé de gba. 18 Ohù sọ to wuwu na jẹhon daho he fón wutu. 19 Enẹwutu whenuena yé kùnhún yi o jẹ stade koatón, kavi ogbàn hunko, yé mọ Jesu to zónlinzín to ohù ji, bo sọ seppó vátlẹ lọ: obú sọ di yé. 20 Şigba é dọ hlan yé, dọ, Yẹn wẹ; mì dibú blo. 21 Enẹwutu yé yín jijo nado yí i do vátlẹ lẹ mẹ: adonu vátlẹ lọ jẹ age ofi he yé jẹi tọn ji.

22 To azán awetọ gbè agúndaho he şite to awá awetọ ohù tọn ji mọ dọ vátlẹ pẹvi devo de ma tin to finẹ, adavo dopo, podọ Jesu ma zòn hẹ nuplontọ etọn lẹ biọ vátlẹ lọ mẹ gba, şigba dọ nuplontọ etọn lẹ kedẹ wẹ yi; 23 şigba vatlẹ pẹvi deleş sọn Tibéliade wá, bo seppó ofi he yé dù akla lọ te, to godo na Oklunọ ko dopé; 24 enẹwutu whenuena agúndaho lọ mọ dọ Jesu ma tin to finẹ, kavi nuplontọ etọn lẹ, yé wọsu yi vatlẹ pẹvi lẹ bo wá Kapelnaumi, bo to Jesu din. 25 Whenuena yé mọ ẹn to awá awetọ ohù tọn, yé dọ hlan ẹn, dọ, Labbi, whetónu wẹ hiẹ wá ofi? 26 Jesu gblónna yé bo domọ, Nugbo, nugbo, wẹ yẹn dọ hlan mì, mì to dindin mì, é ma yín mì mọ ohia wutu gba, şigba na mì dù akla neleş bo góhò wutu wẹ. 27 Mì jẹtukla na nùdùdù he na gble blo, şigba na nùdùdù nẹ ehe no nọte kaka jẹ ogbẹ madopodo, ehe Ovi gbẹtọ tọn na na mì: na ewọ lọ wẹ Jiwheyewhe Otọ ko tlehiadonuna. 28 Enẹwutu yé dọ hlan ẹn, dọ, Etẹwẹ mì ni basi, bọ mì nado sọgan wá azọn Jiwheyewhe tọn? 29 Jesu gblón bo dọ hlan yé, dọ, Ehe wẹ azọn Jiwhe-

yewhe tọn, dọ mì ni yise to mēhe é dohlan mẹ. 30 Enẹwutu yé dọ hlan ẹn, dọ, Etẹ wẹ hiẹ basi na ohia, na mì ni mọ, bo nado yi wẹ sè? Azọn tẹwẹ hiẹ wá? 31 Otọ miton lẹ dù manna to zùngbo mẹ; kedẹdile yé wlanwé dọ, E hẹn akla sọn olon wá na yé dù. 32 Whẹnenu Jesu dọ hlan yé, dọ, Nugbo, nugbo, wẹ yẹn dọ hlan mì, Mose ma wẹ ko na akla nẹ mì sọn olon gba; şigba Otọ şie wẹ yi akla nugbo nẹ na mì sọn olon. 33 Na akla Jiwheyewhe tọn wẹ enẹ he jete sọn olon, bo sọ yi ogbẹ na aihon. 34 Enẹwutu yé dọ hlan ẹn, dọ, Oklunọ, nọ na akla he mì tẹgbẹ. 35 Jesu dọ hlan yé, dọ, Yẹn wẹ akla ogbẹ tọn: mēdopepe he wá dẹ hùvẹ ma na hù i, mēhe sọ yí mi se, ovẹ ma na hù i gbède. 36 Şigba yẹn dọ hlan mì, dọ, Miwle ko mọ mì ga, mì ma sọ yise. 37 Onú he Otọ şie yi na mì lẹpo na wá dẹ, podọ mēhe sọ wá dẹ yẹn ma na yán ẹn jẹgbonu, gbọn alọ depope mẹ. 38 Na yẹn jete sọn olon, é ma yín nado wá ojlo şie loşu gba, adavo ojlo ewọ he do mì hlan tọn. 39 Ehe wẹ ojlo mēhe do mì hlan tọn, dọ to onú he é ko na mì lẹ mẹ yẹn hẹn depope bú to yé mẹ blo, şigba na yẹn ni fón ẹn do ote to azán podọ gbè. 40 Na ehe wẹ ojlo Otọ şie tọn, dọ mēdopepe he mọ Ovi, bo sọ yí i sè, nido tindo ogbẹ madopodo: yẹn nasọ tón ẹn do ote to azán podọ gbè.

41 Enẹwutu Ju lẹ hlun do ota nẹ, na é dọ, Yẹn wẹ akla he jete sọn olon wá wutu. 42 Yé sọ domọ, E ma yín ehe wẹ Jesu, ovi Josefu tọn, mēhe mì yón otọ etọn po onọ etọn po? etẹwutu wẹ e dọ dinvie, Yẹn jete sọn olon wá? 43 Jesu gblón, bo dọ hlan yé, domọ, Mì hlun to mide şenşen blo. 44 Mēdopepe ma sọgan wá dẹ, adavo Otọ he do mì hlan dọn ẹn: yẹn nasọ tón ẹn do ote to azán podọ gbè. 45 Yè sọ wlan to owé yewhẹgán lẹ tọn mẹ dọ, Yè na plon yé omẹ pọ gbọn Jiwheyewhe de? Enẹwutu mēdopepe he sè, bọ yé sọ plon gbọn Otọ de, ewọ wẹ to dẹ wá. 46 E ma yín mēdopepe ko mọ Otọ gbède gba, adavo mēhe yín Jiwheyewhe tọn, ewọ wẹ ko mọ Otọ lọ. 47 Nugbo, nugbo, wẹ yẹn dọ hlan mì, Mēhe yi mì se tindo ogbẹ madopodo. 48 Yẹn wẹ akla ogbẹ tọn lọ. 49 Otọ miton lẹ dù manna to zùngbo mẹ, bo sọ kú. 50 Ehe wẹ akla he

jeŧe sɔn olɔn wá, na gbɛtɔ nido dù tɔ e mɛ, bo ma kú. 51 Yɛn wɛ akla ogbɛnɔ lɔ, ehe jeŧe sɔn olɔn wá; eyin mɛdepopɛ dù tɔ akla he mɛ, é na tin tɔ ogbɛ kaka doi: mɔwɛ akla he yɛn na na lɔ wɛ olan sɛ, ehe yɛn na na na ogbɛ aihɔn tɔn.

52 Enɛwutu Ju lɛ tɔ nudɔn tɔ yɛde sɛnsɛn dɔ, Nawɛ dawɛ he sɔgan yi olan etɔn na mí nado dù do? 53 Enɛwutu Jesu dɔ hlan yé, dɔ, Nugbo, nugbo, wɛ yɛn dɔ hlan mí, Adawo mí dù olau Ovi gbɛtɔ tɔn tɔn, bo sɔ nù ohùn etɔn, mí ma tindo ogbɛ tɔ mí mɛ gba. 54 Mɛdepopɛ he dù olan sɛ, bo sɔ nù ohùn sɛ, é tindo ogbɛ madopodo; yɛn nasɔ fɔn ɛn do ote tɔ ozán pòdo gbɛ. 55 Na olan sɛ wɛ akla nugbo, ohùn sɛ sɔ wɛ núnùnù nugbo. 56 Mɛhe dù olan sɛ, bo sɔ nù ohùn sɛ, ewɔ tɔ ninɔ yɛn mɛ, yɛn sɔ tɔ ninɔ ewɔ mɛ. 57 Kɛdɛdile Otɔ ogbɛnɔ, ko do mí hlan, bo yɛn sɔ tin tɔ ogbɛ gbɔn Otɔ dali; mɔkɛdɛ wɛ mɛhe dù mí, yɛdɔ ewɔ na tin tɔ ogbɛ gbɔn yɛn dali ga. 58 Ehe wɛ akla he jeŧe sɔn olɔn wá lɔ; é ma dile otɔ mítɔn lɛ dù manna, bɔ yé sɔ kú gba: mɛhe dù akla he na tin tɔ ogbɛ kakadoi. 59 Onú heɛ wɛ é dɔ tɔ sinagɔgu mɛ, lɛ é tɔ mɛplɔn tɔ Kapelnaumi.

60 Enɛwutu susu tɔ nuplɔntɔ etɔn lɛ mɛ, whenuena yé sɛ ehe, yé dɔmɔ, Ohó he sinyɛnawú talala wɛ ehe; mɛnu wɛ sɔgan sɛ e? 61 Sɔgba Jesu yinyɔnɛn tɔ ede homɛ, dɔ nuplɔntɔ etɔn lɛ tɔ hunhlun do ehe go, dɔ hlan yé, dɔ, Ehe hɛn mí nado dahli wɛ? 62 Be etɛwɛ eyin mí mɔ bɔ Ovi gbɛtɔ tɔn heji jai ofi he é sɔn wá? 63 Gbigo wɛ nagbɛmɛ; agbasa ma doale de: ohó he yɛn dɔ hlan mí nɛlɛ, gbigo wɛ yé, ogbɛ wɛ yé. 64 Sɔgba mɛdeɛlɛ tin tɔ mí mɛ, he ma yise. Na Jesu yɔnɛn sɔn whɛwhɛhɛnu mɛhe hunkɔ yé yin he ma yise lɛ, podɔ mɛnu wɛ mɛhe na dɛ e hia yin. 65 E sɔ dɔmɔ, Enɛwutu wɛ yɛn dɔ dɔ hlan mí, dɔ, Mɛde ma sɔgan wá dɛ, adawo yɛ na ɛn sɔn Otɔ sɛ de.

66 Ehe ji wɛ susu tɔ nuplɔntɔ etɔn lɛ mɛ gɔ do godo, bo ma sɔ nɔn hɛ ɛ ba. 67 Enɛwutu Jesu dɔ hlan omɛ wiawe lɛ, dɔ, Míwɛ jlo na yi ga? 68 Simoni Pita gbɔn nɛ, dɔ, Oklunɔ, mɛnu de míwɛ na yi? hiɛ wɛ tindo ohó ogbɛ madopodo tɔn. 69 Míwɛ ko sɔ yise, bo sɔ yɔnɛn dɔ, hiɛ wɛ Klisti lɔ, Ovi Jiwheyɛwhe ogbɛnɔ tɔn. 70 Jesu sɔ gbɔnna yé,

dɔmɔ, Mí omɛ wiawe ma wɛ yɛn dɛ, bɔ dopo mítɔn yin lɛgba de? 71 Juda Iskaliɔti, ovisunnu Simoni tɔn wɛ é tɔ didɔ: na ewɔ wɛ mɛhe na dɛ e hia, mɛhe yin dopo tɔ omɛ wiawe lɛ mɛ.

7 1 TO onú heɛ godo, Jesu zinzɔnlin tɔ Galili: na é ma jlo na zinzɔnlin tɔ Judé gba, na Ju lɛ tɔ dindin nado hù i wutu. 2 Hùnwɛ Ju lɛ tɔn, hùnwɛ gohɔtúntún lɛ tɔn sɛpɔ dinvie. 3 Enɛwutu nɔvisunnu etɔn lɛ dɔ hlan ɛn, dɔ, Tɔn sɔn ofi, bo yi Judé, na nuplɔntɔ towɛ lɛ ga nido mɔ azɔn he hiɛ tɔ wiwá. 4 Na mɛde ma tin he nɔ wá núde tɔ nuglɔ, ewlɔsu nɔ din yé ni yɔn ɛn wedé-dé. Eyin hiɛ tɔ onú heɛ wá, do dewɛ hia hlan aihɔn. 5 Na nɔvisunnu etɔn lɛ lɔsu ma yi i se. 6 Enɛwutu Jesu dɔ hlan yé, dɔ, Ojɛ sɛ ma ko wá gba; sɔgba ojɛ mítɔn wɛ nɔ wɛlawu tɔ whepoponu. 7 Aihɔn ma sɔgan gbɛwanna mí gba; sɔgba yɛn wɛ é gbɛwanna, na yɛn dekunnu do e go, dɔ oylan wɛ azɔn etɔn wutu. 8 Mí heji yi hùnwɛ he: yɛn ma ko tɔ na heji yi hùnwɛ he gba: na ojɛ sɛ ma ko wá. 9 Lɛ é dɔhó heɛ hlan yé, ewɔ nɔte tɔ Galili.

10 Sɔgba whenuena nɔvisunnu etɔn lɛ ko heji yi hùnwɛ lɔ kɔn, whenɛnu wɛ ewlɔsu heji yi ga, é ma yin tɔ gbangba, sɔgba taidi tɔ nuglɔ. 11 Enɛwutu Ju lɛ din in tɔ hùnwɛ lɔ kɔn, bo dɔmɔ, Fie wɛ é te? 12 Hunhlun susu sɔ tin tɔ agùndaho lɛ lɔ sɛnsɛn gbɔn ewɔ tɔn dali: na omɛ delɛ dɔ Omɛ dagbe de wɛ: omɛ devo lɛ dɔ, Lala, sɔgba é tɔ agùndaho lɛ lɔ planhɛn danbu wɛ. 13 Sɔgba mɛde ma dɔhó etɔn gbangba, na osi Ju lɛ tɔn wutu.

14 Sɔgba whenuena e je ɛnsɛn hunwɛ hɛ tɔn, Jesu heji yi templi mɛ, bo tɔ mɛplɔn. 15 Enɛwutu Ju lɛ vivó, dɔmɔ, Nawɛ dawɛ he wá yɔn owé, mɛhe ma plɔn núde gbɛde? 16 Enɛwutu Jesu sɔ gbɔnna yé, bo dɔmɔ, Núplɔnmɛ sɛ ma yin sɛ gba, sɔgba mɛhe do mí hlan tɔn wɛ. 17 Eyin mɛde jlo na wá ojlo etɔn, ewɔ na yɔn núplɔnmɛ lɔ, eyin Jiwheyɛwhe tɔn wɛ é yin, kavi eyin yɛn tɔ ohó dɛ tɔn dɔ wɛ. 18 Mɛhe tɔ ohó ede tɔn dɔ tɔ gigo ede tɔn din; sɔgba mɛhe din gigo mɛhe do e hlan tɔn, dopolɔ wɛ nugbo, mawádódó de ma tɔn tɔ ewɔ mɛ. 19 Be Mɔsɛ ma na osɛn mí, gánsɔ bɔ mɛde ma yin osɛn lɔ tɔ mí mɛ?

Etewutu wê ml to dindin nado hù mi? 20 Agùndaho ló sọ gbłon, òmọ, Hié tindo aovi de : menú wê to dindin nado hù wê? 21 Jesu sọ gbłon bo dọ hlan yé, dọ, Azón dopo wê yèn wá, bọ ml omé pó vivó na ehe tọn. 22 Na ehe wutu wê Moşe na whẹgbigo ml; (é ma yín Moşe tọn gba, şigba otó lẹ tọn;); podọ ml nọ gbowhena gbẹto to gbojẹzàngbè. 23 Eyin gbẹto yí whẹgbigo to gbojẹzàngbè, na yé ma na do hèn osén Mose tọn gble gba; be adi to ml do ogo e, na yèn hèn mède jẹgángán hézéhézé to gbojẹzàngbè wutu? 24 Ml dawhẹ kẹdédile nusawuhia do blo, şigba ml ni nọ dawhẹ whédida dódóno.

25 Enẹwutu omé delẹ he yín Jelusalẹm tọn lẹ òmọ, Ewọ he ma wẹ mēhe yé dindin nado hù lọ? 26 Bo pón, ewọ to hódo gbangba, yé ma sọ dọ onú de hlan ẹn. Be é sọgan yín dọ ogán lẹ yonẹn nugbo dọ ehe wẹ Klisti lọ? 27 Şigba miwle yón dawe he son ofi he é te: şigba whenuena Klisti wá, mède ma yonẹn son ofi he é te. 28 Enẹwutu wẹ Jesu dawhá to templi me le é to meplón, òmọ, Ml yón mi, bo sọ yón ofi he yèn son: podọ yèn ma wá na dẹ gba, şigba nugbo wẹ mēhe do mi hlan, mēhe mi ma yonẹn. 29 Şigba yèn yón ẹn: na e de wẹ yèn son, ewọ wẹ sọ do mi hlan. 30 Enẹwutu wẹ yé to dindin nado wlé e; şigba mède ma zé alọ do e ji, na ojẹ eton ma ko wá wutu. 31 Şigba son agùndaho lọ mē susu yí i se, yé òmọ, be whenuena Klisti lọ na wá é na basi ohia hù ehe dawe he ko basi lẹ? 32 Falesi lẹ sè dọ agùndaho lọ to hunhlan na onú hele gbọn ewọ tọn dali; Falesi lẹ, po ogán yewhenọ tọn lẹ po do awhangán lẹ hlan nado wlé e. 33 Enẹwutu wẹ Jesu dọ hlan yé, òmọ, Whenu vude dogó wẹ yèn tin to ml de, yèn bo na yí mēhe do mi hlan de. 34 Ml na din mi, ml ma nasọ mọ mi; podọ ofi he yèn te, fiñe mi ma na sọgan wá. 35 Enẹwutu wẹ Ju lẹ to dido to yéde şenşen, dọ, Fie é na yí, bọ miwle ma na mọ ẹn? be ewọ jei mēhe gbapé to Kosi lẹ şenşen de, bo sọ to Kosi lẹ plon wẹ? 36 Ohó tẹ hunkọ wẹ ehe é dọ, òmọ, Ml na din mi, ml ma nasọ mọ mi; podọ ofi he yèn te, fiñe mi ma na sọgan wá?

37 Azán podo gbè, azán daho hunwhẹ lọ tọn, Jesu şite bo dawhá, dọ, Eyin ové hù mēdopepe, ml gbọ é ni wá dè, bo

nú. 38 Mēdopepe he yí mi se, dile Owé wiwe dọ, son ohò eton mē otò osin ogbè tọn na nọ sà son. 39 (Şigba é dọ ehe na Gbigo tọn, ehe mēhe yí i se lẹ na mọyi: na yé ma ko na Gbigo Wiwe omé gba; na yé ma ko pagiona Jesu wutu.) 40 Mēdele enẹwutu son agùndaho lọ mē, whenuena yé sè ohó he, yé òmọ, Son nugbo de mē ehe wẹ Yewhégán lọ. 41 Mēdele òmọ, Ehe wẹ Klisti lọ. Şigba mēdele òmọ, Eté, Galili wẹ Klisti tọn son wá? 42 Be Owé wiwe ma ko òmọ, Klisti na son okún Davidi tọn mē wá, podọ son otò Betlehem tọn mē, ofi he Davidi ko te? 43 Mowẹ kinklan fón to agùndaho lọ şenşen na ewọ tọn wutu. 44 Mēdele to yé mē jlo na wlé e; şigba mède ma zé alọ do e ji.

45 Enẹwutu awhangán lẹ wá ogán yewhenọ lẹ tọn de, po Falesi lẹ po; yé dọ hlan yé, dọ, Etewutu mi ma hèn en wá? 46 Awhangán lẹ sọ gbłon bo òmọ, Omé de ma dohó òmọ gbède. 47 Enẹwutu wẹ Falesi lẹ gbłonna yé, òmọ, Be yé hèn miwle danbu ga wẹ? 48 Be mède yí i se to ogán lẹ mē, kavi to Falesi lẹ mē? 49 Şigba agùndaho he ma yón osen lọ wẹ yé hododo. 50 Nikodemi dọ hlan yé, (ewọ he wá é de dai yín dopo to yé mē,) 51 dọ, Bé osen miłon nọ dawhena mède whẹpo se son ewłon de, bo sọ yón onú he é wá? 52 Yé gbłon bo sọ dọ hlan ẹn òmọ, Gallili tọn wẹ hiẹ ga? Din, bo pón: dọ yewhégán de ma fón son Galili gba.

53 Omé dopodopo sọ fón yí jẹ owhé eton 8 gbè. 1 Şigba Jesu yí osó Olivie tọn ji. 2 To afonnu é legò wá templi mē, gbẹto lẹpo sọ wá e de; é sọ sinai, bo to yé plon. 3 Wekantọ lẹ, po Falesi lẹ po sọ hèn nawe de wá e de, mēhe yé wlé to ayòdide mē; whenu yé zé e do şenşen, 4 yé dọ hlan en, dọ, Mēplontọ, yé wlé nawe he to ayòdide mē, to bibasi mē. 5 Dinvie to osen mē Moşe ko degbena mí nado nọ dlan zannu do omé mọhunkọ; şigba nawẹ hiẹ dọ? 6 Yé dọ ehe do wle e pón, na yé nido tindo núde nado slẹ e. Şigba Jesu fẹ, bo yí aloviyeyẹ eton do to wekan to aigba. 7 Şigba whenuena yé ma gbọ kinkanbiọ e, é zé ede daga, bo dọ hlan yé, dọ, Mēhe tin matin ylando to mi şenşen, gbọ ewọ whé ni dlan zannu do e. 8 E sọ vọ fẹ, bo to wekan to aigba. 9 Podọ yé,

whenuena yé sè e tónjègbonu yi dopo-dopo, hèn sòn mèho ji kaka jè godotó ji: é sò pò Jesu dopokèdè, pò nawe ló pò to ote tó sènşen. 10 Jesu sò zé ede daga, bo dọ hlan ẹn, dọ, Nawe, fie wẹ yé te? mède ma gblewhèdo wẹ? 11 Ewọ sọ dọmọ, Mède ma, Oklunọ. Jesu sọ dọmọ, Mọwẹ yẹn ma sọ gblewhèdo wẹ: yi, sòndinviẹyi a sọ wàylan ba blo.

12 Enewutu Jesu sọ wọ hódọ hlan yé, dọ, Yẹn wẹ hinhón aihon tọn; mèche hodo mí ma na zinşonlin zinvlú mẹ, şigba é na tindo hinhón ogbè tọn. 13 Enewutu Falesi lẹ dọ hlan ẹn, dọ, Hiẹ to kunnude na dewe; okunnu towe ma yin nugbo. 14 Jesu sọ gblon bo dọ hlan yé, dọ, Eyin yẹn dekunnu na dè, nugbo wẹ okunnu şie; na yẹn yon ofi he yẹn sọn wá, pò ofi he yẹn jẹi pò; şigba miwle ma sogan dọ ofi he yẹn sọn wá, pò ofi he yẹn jẹi pò. 15 Miwle nọ dawhè gbọn agbasalan dali, yẹn ma dawhèna mède. 16 Mọwẹ eyin yẹn dawhè, nugbo wẹ whèdida şie: na yẹn ma tin to dopo, şigba yẹn pò Otọ he do mi hlan pò. 17 Mọwẹ yè wlan ẹn ga to osèn miton mẹ dọ, nugbo wẹ okunnude omẹ awe tọn. 18 Yẹn wẹ mèche to kunnude na dè, Otọ he do mi hlan sọ to kunnude na mi ga. 19 Enewutu wẹ yé dọ hlan ẹn, dọ, Fie wẹ Otọ towe te? Jesu gblon dọmọ, Mí ma yon mí, mí ma sọ yon Otọ şie: eyin mí ko yon mí, mí na ko yon Otọ şie ga. 20 Ohó helẹ wẹ é dọ to adokunnu tenmẹ le é to meplon to templi mẹ: mède ma sọ zé alọ do é ji; na ojilẹ eton ma ko wá wutu.

21 Enewutu é sọ wọ dọ hlan yé, dọ, Yẹn jẹi, miwle na din mí, bo nasọ kú to ylando miton mẹ: fie yẹn jẹi, miwle ma sogan wá. 22 Enewutu Ju lẹ dọ, Ewọ to na hù ede wẹ? na é dọmọ, Fie yẹn jẹi, miwle ma sogan wá. 23 E sọ dọ hlan yé, dọ, Odd wẹ miwle tin sọn; aga wẹ yẹn tin sọn: aihon he tọn wẹ miwle; yẹn ma yin aihon he tọn gba. 24 Enewutu wẹ yẹn dọ hlan mí, dọ, Mí na kú to ylando miton mẹ: na eyin mí ma yişe dọ yẹn ló wẹ, mí na kú to ylando miton mẹ. 25 Enewutu yé dọ hlan ẹn, dọ, Mẹnụ wẹ hiẹ? Jesu sọ dọ hlan yé, dọ, Yèdọ enẹ he yẹn ko dọ hlan mí sọn whéwhéwhenu ló wẹ. 26 Yẹn tindo onú susu na dọ, bo nado dawhèna mí: şigba nugbo wẹ mèche do mi hlan; yẹn sọ dọ

hlan aihon onú he yẹn sè sọn e de lẹ. 27 Yé ma mọhlan dọ Otọ tọn wẹ é to didọ hlan yé gba. 28 Enewutu Jesu dọmọ, Whenuena mí ko zé Ovi gbẹtọ tọn daga, whenenu wẹ mí na yonon dọ yẹn wẹ ewọ lọ, na yẹn ma wá núde na dè; şigba le Otọ şie plon mí do, wẹ yẹn to onú helẹ dọ. 29 Ewọ mèche do mi hlan tin to dè: Otọ ló ma jo yẹn dopo do gba; na yẹn to onú he yin homehun hlan ẹn lẹ wá to whepoonu. 30 Le é to ohó helẹ dọ, omẹ susu yi i sè.

31 Enewutu wẹ Jesu dọ hlan Ju he yişe neleş, dọ, Eyin miwle nọte to ohó şie mẹ, whenenu miwle yin nuplontọ şie nugbo; 32 miwle nasọ yon nugbo, nugbo ló nasọ hèn mí jẹ mèdekanu. 33 Yé sọ gblon hlan ẹn, dọmọ, Okún Ablaham tọn wẹ miwle, mí ma ko tin to meplon mẹ hlan mède gbède: nawẹ hiẹ dọ do, Miwle na yin hinhon jẹ mèdekanu? 34 Jesu sọ gblonna yé, dọ, Nugbo, nugbo, wẹ yẹn dọ hlan mí, Mèdepope he wá-yahndo wẹ afanumẹ ylando tọn. 35 Afanumẹ ma nonọ owhé gbè kaka doi: şigba Ovi wẹ nonọ kaka doi. 36 Enewutu eyin Ovi na hèn mí jẹ mèdekanu, miwle na jẹ mèdekanu nugbo. 37 Yẹn yonon dọ okún Ablaham tọn wẹ mí; gánşo mí to dindin nado hù mí, na ohó şie ma tindo oten to mí mẹ wutu. 38 Yẹn to onú he yẹn mọ to Otọ şie de dọ; miwle sọ to onú he mí mọ to otọ miton de wá. 39 Yé gblon bo dọ hlan ẹn, dọ, Otọ miton wẹ Ablaham. Jesu dọ hlan yé, dọ, Eyin ovi Ablaham tọn wẹ mí, miwle dọ wá azon Ablaham tọn. 40 Şigba dinvie mí to dindin na hù mí, mèche dọ nugbo na mí, he yẹn sè sọn Jiwheyewhe de: Ablaham ma wá ehe gba. 41 Miwle to azon otọ miton tọn wá. Yé sọ dọ hlan ẹn, dọ, Yé ma ji mí sọn ogalilọ mẹ gba; miwle tindo Otọ dopo, enẹ wẹ Jiwheyewhe. 42 Jesu sọ dọ hlan yé, dọ, Eyin Jiwheyewhe wẹ Otọ miton, mí do yiwanna mí: na yẹn tónjègbonu bo sọ sọn Jiwheyewhe de wá; yẹn ma wá na dè gba, şigba ewọ wẹ do mi hlan. 43 Enewutu wẹ mí ma yon ohógbè şie? Yèdọ na mí ma sogan sè ohó şie wutu. 44 Otọ miton legba tọn wẹ mí, wantúntún otọ miton tọn ojlo miton wẹ nado wá. Hlonhító de wẹ ewọ sọn whéwhéwhenu, é ma nọ nọte to nugbo mẹ gbède, na nugbo ma tin to ewọ mẹ wutu. Whenuena é dọ lalo de, é dọhó eton titi tọn: na lalọ de wẹ ewọ,

podò otò eton. 45 Şigba na yen dọ nugbo wutu, mi ma yi mi se gba. 46 Be menù wẹ yi ylando tón mi to mi mẹ? Eyin yen dọ nugbo, be etẹwutu wẹ mi ma yi mi se? 47 Mẹhe yin Jiwheyewhe tón nọ sè ohó Jiwheyewhe tón lẹ; ehe tón wutu wẹ miwle ma sè, na mi ma yin Jiwheyewhe tón wutu. 48 Yé Ju lẹ gblon bo dọ hlan ẹn, dọ, Be miwle ma dọ dọ Samalito wẹ hiẹ nugbo, bo sọ tindo aovi de? 49 Jesu sọ gblon domo, Yen ma tindo aovi de gba; şigba yen to gbégbóna Otò şie, miwle ma sọ gbógbéna mi. 50 Yen ma din gigo dá tón gba: medopo tin he to dindin bo sọ to whéda. 51 Nugbo, nugbo, wẹ yen dọ hlan mi, Eyin mede yi obó şie hen, é ma na mọ okú gbéde. 52 Ju lẹ dọ hlan ẹn, domo, Dinvie wẹ miwle yonen dọ hiẹ tindo aovi de. Ablaham kú po yewhegan lẹ po; hiẹ sọ domo, Eyin mede yi ohó şie hen, é ma na dọ okú pón gbéde. 53 Hiẹ klohú otò miton Ablaham, mēhe kú? yewhegan lẹ sọ kú: menù wẹ hiẹ yi dewe do basi? 54 Jesu sọ gblon domo, Eyin yẹn pagigona dá, gigo şie ma yin núde: Otò şie wẹ mēhe gigopana mi; mēhe mi dọ, ewo wẹ Jiwheyewhe miton. 55 Miwle ma yon ẹn; şigba yen yon ẹn: eyin yen dọ, Yen ma yon ẹn, yen na tin jijle do miwle go, lalono de: şigba yen yon ẹn, bo sọ yi ohó eton hen. 56 Ablaham otò miton jaya dọ ewo ni do mọ azán şie: bo sọ yin homehúnno. 57 Enewutu Ju lẹ dọ hlan ẹn, dọ, Owhe towē ma yi kandeao, hiẹ ko sọ mọ Ablaham? 58 Jesu sọ dọ hlan yé, dọ, Nugbo, nugbo, wẹ yen dọ hlan mi, Whẹpo yé ji Ablaham, yen tin. 59 Enewutu yé zé ozannu nado dian do e: şigba Jesu whlá ede, bo tón sọn tẹmpiri mē, é jugbon yé şenşen yi yi, mowé é sọ juyi.

9 1 LE Jesu juwajei, é mọ dawe nukuntónno de sọn ajimé eton. 2 Nuplontọ eton lẹ kanbiọ ẹ dọ, Meplontọ, menù wẹ wá oylan, dawe he kavi mejitọ eton lẹ, bọ ewo do yin jiji nukuntónno? 3 Jesu sọ gblon dọ, E na yin dawe he wá oylan, kavi mejitọ eton lẹ gba: şigba dọ yé nido hen azón Jiwheyewhe tón sọawuhia to e go. 4 Mi ma sagan nọ ma wá azón ewo he do mi hlan tón, whenuena é yin okle: ozán ja whenuena mēde ma sọ şogan wázon. 5 Whenuena yen tin to wẹkẹ mē, yen wẹ hinbón wẹkẹ.

ton. 6 Whenuena é dọ le, é tintán do aigba bo yi do yankó, bo yi okó ló do sá amisísána nukun eton. 7 Bo dọ hlan ẹn, dọ, Yi, lawu to otándó Siloami tón mē, (ehe tadena eton yin, Dohlan.) Enewutu é gbón aliho eton ji yi, é lawu, é wá, bo sọ to númọ. 8 Enewutu kọmēnu lẹ, po mēhe ko mọ ẹn dai dọ nubiọtọ de ko wẹ ewo domo, Ehe ma wẹ ewo he nọ sinai bo bionu lọ? 9 Medelẹ dọ, Ewo wẹ: medelẹ dọ, Lala, ewo tin jijle do e go wẹ: şigba ewo domo, Yen wẹ ewo lọ. 10 Enewutu yé dọ hlan ẹn, dọ, Nawẹ nukun towe lẹ yin húnhún do? 11 E sọ gblon, dọ, Dawe lọ he yé nọ ylọ Jesu basi okó, bo yi sá do nukun na mi, bo dọ hlan mi, dọ, Yi otándó Siloami tón mē, bo lawu: yen yi, bo lawu, bo sọ monú. 12 Yé sọ dọ hlan ẹn, dọ, Fie wẹ ewo te? E domo, Yen ma yonen.

13 Yé hen mēhe yin nukuntónno dai lọ wá Falesi lẹ de. 14 Dinvie gbojezán gbé wẹ whenuena Jesu basi okó ló, bo sọ hún nukun eton. 15 Enewutu Falesi lẹ ga wọ kanbiọ ẹ, nawẹ ewo mọ nukunnu mọ eton yi do. E sọ dọ hlan yé, dọ, E yi okó sá do nukun şie, yen lawu, bo sọ monú. 16 Enewutu medelẹ to Falesi lẹ mē domo, Dawe he ma tin sọn Jiwheyewhe de gba, ná é ma yin azán gboje tón wutu. Şigba medevo lẹ domo, Nawẹ mēhe yin ylandono de şogan wá ohia helẹ hunko dọ? Kinklan sọ tin to yé şenşen. 17 Enewutu yé sọ wọ dọ hlan dawe nukuntónno lọ, dọ, Be etẹwẹ hiẹ dọ na ewo tón, to ehe mē ewo hún nukun towe? E domo, Yewhegán de wẹ ewo. 18 Enewutu Ju lẹ ma yise gbón ewo tón dall gba, dọ, ewo ko yin nukuntónno, bo sọ mọ nukunnu mọ eton yi kaka yé do ylọ mejitọ ewo he mọ nukunnu mọ eton yi lọ tón lẹ. 19 Bo kanbiọ yé dọ, Visunnu miton wẹ ehe, mēhe mi dọ yé ji i nukuntónno? Nawẹ é gbón do to númọ dinvie? 20 Mejitọ eton lẹ gblon bo domo, Miwle yonen dọ visunnu miton wẹ ehe, podọ yé ji i nukuntónno: 21 şigba le é to númọ do dinvie, miwle ma yonen; kavi mēhe hún nukun eton mi ma yonen: nuyonen tọ wẹ ewo, mi kanbiọ ẹ: é na dọ na ede. 22 Ohó helẹ wẹ mejitọ eton lẹ dọ, na yé dibuna Ju lẹ wutu; na Ju lẹ ko dogbèpọ dote, dọ eyin medepope yigbè dọ Klisti wẹ ewo, yé ni dè e sọn sinagogu. 23 Enewutu wẹ mejitọ eton lẹ dọ, Nuyonen tọ wẹ ewo; mi kanbiọ ẹ. 24 Mowé

yé sọ wọ dawé he yín nukuntónnọ lọ ylo, bo dọ hlan ẹn dọ, Na gigo Jiwheyewhe; míwle yọnen dọ ylandonọ de wẹ dawé he. 25 Enẹwutu ewọ sọ gblon bo domọ. Eyín ewọ yín ylandonọ de, yẹn ma yọnen: onú dopo wẹ yẹn yọnen, dọ sọle yẹn ko yín nukuntónnọ, yẹn to núnọ dinvie. 26 Enẹwutu yé sọ dọ hlan ẹn, dọ, Etẹwẹ é wá hlan wẹ? nawẹ é hún nukun towe do? 27 E sọ gblon dọ hlan yé, dọ, Yẹn ko dọ na mí yèdọ dinvie, mí ma sọ sè: etẹwutu wẹ mí sọ jlo nado wọ sè? mí jlo na lẹzun nuplontọ eton ga wẹ? 28 Yé sọ vlẹ ẹ ko, bo domọ, Hiẹ wẹ nuplontọ eton: sigba nuplontọ Mose ton wẹ míwle. 29 Míwle yọnen dọ Jiwheyewhe dọhó hlan Mose, sigba na dawé he ton, míwle ma yón ofi he é sọn wá. 30 Dawe lọ sọ gblon bo dọ hlan yé, dọ, Etẹwutu, eheme wẹ nujawu te, na míwle ma yón ofi he ewọ sọn wá, sigba ewọ ko hún nukun sie. 31 Míwle yọnen dọ Jiwheyewhe ma nọ sè ylandonọ ton: sigba eyín mède yín sinsẹntọ Jiwheyewhe ton, bo sọ wá ojlo eton, ewọ wẹ é nọ sè eton. 32 Sọn dódó aihon ton yé ma ko sè dọ, mède hún nukun mehe yé ji nukuntónnọ de ton gbède. 33 Eyín dawé he ma tin sọn Jiwheyewhe de gba, é ma sọgan wá nudepope. 34 Yé sọ gblon bo dọ hlan ẹn, dọ, Hiẹ he yé ji patapata to ylando mẹ, hiẹ to míwle plon? Yé sọ yán ẹn jẹgbonu.

35 Jesu sọ sè dọ yé yán ẹn jẹgbonu; podọ mimọ ẹn, é domọ, Hiẹ yí Ovi Jiwheyewhe ton se? 36 E sọ gblon bo domọ, Mẹnụ wẹ ewọ, Oklunọ, na yẹn nido yí i se? 37 Jesu dọ hlan ẹn, dọ, Hiẹ ko mọ ẹn, ewọ sọ wẹ mèche to hódọ hẹ we. 38 E sọ domọ, Yẹn yise, Oklunọ. E sọ litai nẹ. 39 Jesu sọ domọ, Whẹdida wẹ yẹn wá aihon he mẹn na, na mèche ma monú dai lẹ nido monú; podọ mèche monú lẹ nido lẹzun nukuntónnọ. 40 Enẹlẹ he sọn Falesi lẹ mẹ he tin to e de sè ohó helẹ, bo dọ hlan ẹn, dọ, Míwle yín nukuntónnọ ga? 41 Jesu sọ dọ hlan yé, dọ, Eyín míwle yín nukuntónnọ, mí ma dọ tindo ylando gba: sigba dinvie mí dọ, Míwle monú; enẹwutu ylando míton to ote.

10 1 NUGBO, nugbo, wẹ yẹn dọ hlan mí, Mèdepope he ma biọ apó lengbo ton mẹ gbọn hòngbo ji, sigba heji gbọn aliho devo, ajotọ de wẹ ewọ podọ whébétọ.

2 Sigba mèche biọ e mẹ gbọn hòngbo ji, ewọ wẹ lengbohọtọ lengbo lẹ ton de. 3 Ewọ lọ wẹ họnjidetọ húnhón na; lengbo lẹ sọ sè ogbè eton: ewọ sọ ylo oyín lengbo eton lẹ ton, bo sọ plan yé jẹgbonu. 4 Whenuena é hen eton titi lẹ jẹgbonu, é yí nukun na yé, lengbo lẹ sọ hodo e: na yé yón ogbè eton wutu. 5 Jonọ wẹ yé ma nọ hodo sigba bo na hónyi sọn e de: na yé ma yón ogbè ojono lẹ ton wutu. 6 Oló he wẹ Jesu dọ hlan yé: sigba yé ma tunwun etẹwẹ onú he é dọ hlan yé nele yín.

7 Enẹwutu Jesu wọ dọ hlan yé, dọ, Nugbo, nugbo, wẹ yẹn dọ hlan mí, Yẹn wẹ ohon lengbo ton. 8 Ajotọ po whébétọ po wẹ omẹ he ko wá jenukọn na mí lẹpo: sigba lengbo lẹ ma sè yeton gba. 9 Yẹn wẹ ohon lọ: eyín mède biọ homẹ gbọn dẹ, ewọ lọ wẹ yé na whlengan, ewọ nasọ biọ homẹ bo nasọ tónjẹgbonu, bo nasọ mọ kanlindugbo. 10 Ajotọ ma wá, adavo dọ e nido finnú bo hù, bo wasúdo: yẹn wá na yé nido tindo ogbè, yèdọ na yé nido tindo sugege. 11 Yẹn wẹ lengbohọtọ dagbe lọ: lengbohọtọ dagbe zé ogbè eton dai na lengbo lẹ. 12 Ewọ he yín pakanọ de, he ma yín lengbohọtọ de, mēheton titi lengbo lẹ ma yín, é mọ ohla ja, bo sọ jo lengbo lẹ dai, bo honyi: ohla sọ wlé yé, bo sọ vúnvún lengbo lẹ pé. 13 E honyi, na pakanọ de wẹ ewọ wutu, é ma sọ hópónna lengbo lẹ gba. 14 Yẹn wẹ lengbohọtọ dagbe lọ, yẹn sọ yón lengbo sie titi lẹ, sie titi lẹ sọ yón mí. 15 Yèdọ dile Otọ yón mí do, bọ yẹn sọ yón Otọ: yẹn zé ogbè sie liai na lengbo lẹ. 16 Podọ yẹn sọ tindo lengbo devo he ma yín apó he mẹ ton: yé wẹ yẹn ma sọgan nọ ma hen wá ga, yé nasọ sè ogbè sie; apó dopo wẹ é na yín, lengbohọtọ dopo. 17 Enẹwutu wẹ Otọ yiwanna mí, na yẹn zé ogbè sie liai wutu, na yẹn nido wọ ẹ yí. 18 Mède ma yí i sọn dẹ gba, sigba yẹn zé e liai dedési. Yẹn tindo ojlojẹ nado zé e liai, bo sọ tindo ojlojẹ nado wọ ẹ yí. Osẹn he wẹ yẹn ko moyi sọn Otọ sie de.

19 Kinklan de sọ wọ tin to Ju lẹ sẹnşen na ohó helẹ wutu. 20 Omẹ susu to yé mẹ sọ domọ, Ewọ tindo aovi de, nulunọ sọ wẹ; etẹwutu wẹ mí to ohó eton sè? 21 Mèdevo lẹ domọ, Ehelẹ ma yín ohó mèche tindo aovi de ton gba. Be aovi de sọgan hún nukun nukuntónnọ lẹ ton?

22 E sọ yín dọ to Jelusalem wẹ hunwẹ awuyinyi tọn te, é sọ yin ojẹ avivo tọn. 23 Jesu sọ to zọnlizin to ẹmpli mẹ, to hẹnnuwá Solomoni tọn mẹ. 24 Enẹwutu Ju lẹ wá lẹdo e pé, bo dọ hlan ẹn, dọ, Nawẹ hiẹ na hẹn mí to númamojẹnugo mẹ dẹn sọ? Eyin hiẹ wẹ Klisi lọ dọ na mí gbangba. 25 Jesu sọ gblonna yé, dọ, Yẹn ko dọ na mí, mí ma yise: azón he yẹn to wiwá to oyin Otọ sie tọn mẹ, ehelẹ to kunnude na mí. 26 Sigba mí ma yise; na mí ma yin lẹngbọ sie lẹ mẹ tọn wutu, kẹdẹdile yẹn dọ na mí. 27 Lẹngbọ sie lẹ sè ogbè sie, yẹn sọ yón yé, yé sọ nọ hodo mí: 28 yẹn sọ na ogbẹ madopodo hlan yé, yé ma na dọn gbède, mède ma sọ to na dọn yé sún sọn alọ sie mẹ. 29 Otọ sie, mèche na yé hlan mí, klohú yé omẹ pọ; mède ma tin he sọgan dọn núzẹ sún sọn alọ Otọ lọ tọn mẹ. 30 Dọpo wẹ yẹn po Otọ po. 31 Ju lẹ sọ vọ zẹ ozannu daga nado dlan dọ e. 32 Jesu gblonna yé dọ, Azón dagbe susu wẹ yẹn yí hia mí sọn Otọ de; etẹ to azón nele mẹ wẹ mí to zannu dlan dọ mí na? 33 Ju lẹ sọ gblon nẹ, dọ, Míwle ma to zannu dlan dọ we na azón dagbe de gba; sigba na nuzinzan; podọ hiẹ he yin gbẹtọ yí dewe dọ basi Jiwheyewhe wutu. 34 Jesu sọ gblonna yé, dọ, Be yé ma wlan to osén miton mẹ dọ, Yẹn dọ, Yewhe wẹ mí? 35 Eyin é ylo yé mèche de ohó jiwheyewhe tọn wá lẹ dọ Yewhe (podọ owé wiwe lọ ma sọgan yin hinhen gbà gba), 36 be mí sọ dọ na ewọ tọn mèche Otọ klándowiwe, bo sọ dohlan aihon mẹ, dọ, Hiẹ to nuzan; na yẹn dọ, Ovi Jiwheyewhe tọn wẹ yẹn wutu? 37 Eyin yẹn ma wá azón Otọ sie tọn lẹ, mí yí mí se blo. 38 Sigba eyin yẹn basi yé, eyin mí ma yí mí se, mí bo yí azón lẹ se: na mí nido yonẹn, bo sọ tunwun dọ, Otọ tin to yẹn mẹ, podọ yẹn to Otọ mẹ. 39 Yé sọ vọ din nado wlé e: ewọ sọ jẹgbonu yí sọn alọ yeton mẹ.

40 E sọ vọ goyi Jodani godo fie Johanu to bibaptizi te to whẹwhẹwhenu; fine wẹ é nonọ. 41 Męsusu sọ wá e de; yé domọ, Johanu nugbonugbo ma basi ohia de gba: sigba núhe Johanu dọ na dawhe he tọn lẹpo wẹ nugbo. 42 Omẹ susu sọ yí i se to fine.

11 1 DAWE de yin awutuzónnọ dinvie Lazalosi, Betani tọn, sọn otọ Malia po nọviyónnu eton Malta po tọn mẹ. 2 (E sọ yin Malia nẹ he yí nuwhẹnkún do sá amisisana Oklunọ, bo sọ yí odá eton do sún sún afo eton, Lazalosi nọvi-sunnu mēheton yin awutuzónnọ.) 3 Enẹwutu nọviyónnu eton lẹ dọ omẹ hlan ẹn dọ, Oklunọ, pón, mēhe hiẹ yiwanna yin awutuzónnọ. 4 Sigba whenuena Jesu sé e, é dọ, Awutuzón he ma yin hlan okú gba, sigba na gigo Jiwheyewhe tọn, na yé nido pagigona Ovi Jiwheyewhe tọn gbọn e dali. 5 Dinvie Jesu sọ yiwanna Malta, po nọviyónnu eton po, po Lazalosi po. 6 Enẹwutu whenuena é sè dọ ewọ yin awutuzónnọ, é note to ojẹ nẹ mẹ azán awe to fidopo he é ko tin te. 7 Whẹnnu to ehẹgodo é dọ hlan nuplontọ lẹ, dọ, Mí gbọ mí ní sọ vọ goyi biọ Judé mẹ. 8 Nuplontọ lẹ sọ dọ hlan ẹn, dọ, Meplontọ, dinvie Ju lẹ to dindin nado dlan zannu dọ we; hiẹ sọ gọ jei fine? 9 Jesu gblon domọ, E ma yin ojẹ wiawe wẹ tin to okle dopo mẹ? Eyin mède zinzonlin to okle, ewọ ma na dahli, na é mọ hinhon aihon he mẹ tọn wutu. 10 Sigba eyin mède zinzonlin to ozán mẹ, é na dahli, na hinhon de ma tin toe mẹ wutu. 11 Onú hele wẹ é dọ: podọ to ehẹgodo é dọ hlan yé, dọ, Honton miton Lazalosi mlonai damlon; sigba yẹn jei, na yẹn nido fon ẹn sọn amlon mẹ. 12 Enẹwutu nuplontọ lẹ dọ hlan ẹn, dọ, Oklunọ, eyin é mlonai damlon wẹ é na jẹgangan. 13 Sigba Jesu dohó okú eton tọn; sigba yé lẹn dọ é to ohó gbojẹ yíyí to amlon mẹ tọn dọ wẹ. 14 Whẹnnu Jesu dọ hlan yé gbangba ló, dọ, Lazalosi kú. 15 Yẹn sọ yin homẹhunno na mí tọn wutu, bo yẹn ma tin to fine, na mí nido yise; ganso mí gbọ mí ní yí e de. 16 Enẹwutu Tomasi mèche yé nọ ylo Didimu,* dọ hlan nuplontọ ogbẹ eton lẹ, dọ, Mí gbọ mí ní yí ga, na mí nido kú he ẹ.

17 Mọwẹ Jesu wá, é mọ dọ yé ko té ẹ do oyówhé lọ mẹ azán ẹn. 18 Dinvie Betani dọn sepọ Jelusalem yí stade fọtón; 19 męsusu sọn Ju lẹ mẹ wá Malta po Malia po de, nado whiwhẹ. tũna yé, gbọn nọvisunnu yeton tọn dali.

* Enẹ wẹ Ahofo, kavi Viawe.

20 Enewutu whenuena Malta sê dọ Jesu ja, é yi bo pé e: şigba Malia sinai to owhé gbè. 21 Enewutu Malta dọ hlan Jesu, dọ, Okluno, eyin hiye ko tin to ofi, nõvisunnu şie ma do kú gba. 22 Podọ yèdọ dinvie yẹn yonen dọ, onú depope hiye kanbiọ sọn Jiwheyewhe de, Jiwheyewhe na na we. 23 Jesu dọ hlan ẹn, dọ, Nõvisunnu towe nasọ fón. 24 Malta dọ hlan ẹn, dọ, Yẹn yonen dọ é nasọ fón to fónsọnku mọ to azán podọ gbè. 25 Jesu dọ hlan ẹn dọ, Yẹn wẹ fónsọnku po ogbè po; mēhe yi mi se, eyin é kú, é nasọ tin to ogbè: 26 mēhe sọ tin to ogbè, bo sọ yi mi se, ma na kú gbède. Hiye yi ehe se? 27 E sọ dọ hlan ẹn dọ, Mowẹ, Okluno; yẹn ko yise dọ, hiye wẹ Klisti lọ, Ovi Jiwheyewhe tọn, mēhe ja aihon mē. 28 Whenuena é ko dọ le, é yi, bo ylọ Malia nõviyọnnu etọn, bo pade domọ, Mepłontọ tin tofi bo to yiyi lọ we. 29 Podọ ewọ, le é sè e, fón plaun bo yi e de. 30 Dinvie Jesu ma ko biọ otọ mē, şigba é tin to ofi dopo he Malta pé e te. 31 Whenenu Ju he tin to owhé gbè he ẹ, bo to whiwheho e lẹ, whenuena yé mọ dọ Malia fón plaun bo tónjẹgonu yi, hodo e, linlén dọ ewọ jai oyówhé lọ kọn nado doavihan to fiñe. 32 Enewutu whenuena Malia wá ofi he Jesu te, bo mọ ẹn, hó jai to afo etọn go, bo dọ hlan ẹn dọ, Okluno, eyin hiye ko tin to ofi, nõvisunnu şie ma do kú gba. 33 Enewutu whenuena Jesu mọ ẹn to avihando, podọ Ju he wá po e po lẹ ga to avihando, yé yi homẹgble do whàn ẹn to gbigbo mē, yé sọ hẹn ewlọsu jẹtukla. 34 Bo sọ domọ, Fie wẹ mi ko tẹ ẹ do? Yé dọ hlan ẹn, dọ, Okluno, wá pón. 35 Jesu viavi. 36 Enewutu Ju lẹ domọ, Mi pın le é yiwan nẹ do! 37 Mēdele to yé mē domọ, Be dawe he, he hùn nukun nukuntónno tọn, ma sọgan ko henjo bo dawe he ma do kú ga blo? 38 Enewutu Jesu yi yi homẹgble do sọ vọ ẹ whàn to ede mē yi oyówhẹ lọ kọn. Dinvie oslò de wẹ, yé sọ zé ozannu de do e nu. 39 Jesu domọ Mi zé ozannu lọ sẹ. Malta, nõviyọnnu ewọ he kú tọn, dọ hlan ẹn, dọ, Okluno, ewọ ko to wánlun dinvie: na é yin azán eñe he é ko kú. 40 Jesu dọ hlan ẹn, dọ, Yẹn ma ko dọ hlan we, dọ, Eyin hiye yise, hiye na mọ gigo Jiwheyewhe tọn? 41 Mowẹ yé zé ozannu lọ sẹ. Jesu sọ zé nukun etọn daga bo domọ, Okọ, yẹn dopéna we, na hiye nọ

sè sie. 42 Yẹn sọ yonen dọ hiye nọ sè sie whepoponu; şigba na agúndaho he şite lédo lọ tọn wutu wẹ yẹn dọ ẹ, na yé nido yise dọ, hiye wẹ do mi hlan. 43 Podọ whenuena é ko dọhó dola, é yi ogbè lélé de do dawhá dọ, Lazalọsi, jẹgonu wá. 44 Ewọ he yin osiọ lọ sọ jẹgonu wá, he yé yi avọ osiọ tọn do bla alọ po afo po na: bo sọ yi ozúnkẹn de do bla nukunmẹ na. Jesu dọ hlan yé, dọ, Mi tùn in, bo gbọ é ni yi.

45 Enewutu mesusu sọn Ju lẹ mē he wá Malia de, bo sọ mọ onú he Jesu wá lẹ, yi i se. 46 Şigba mēdele to yé mē yi Falesi lẹ de, bo dọ onú he Jesu wá lẹ na yé.

47 Enewutu ogán yewhenọ lẹ tọn, po Falesi lẹ po, ylọpli, bo domọ, Ete wá wẹ mi te? na dawe he to ohia susu basi. 48 Eyin mi jo e do, omẹ pó wẹ na yi i se: Lomuto lẹ nasọ wá yi otẹn po akọta mitọn po ga. 49 Dopo to yé mē, mēhe yé ylọ Kaifa, he yin yewhenọ daho to owhé lọ mē, dọ hlan yé, dọ, Miwle ma yón onú depope, 50 mi ma sọ len dọ, é jẹ na mi dọ omẹ dopo ni kú na gbeto lẹ, na akọta pete ma na do dọn. 51 E dọ ehe, é ma yin na ede gba: şigba lẹ é yin yewhenọ daho to owhé lọ mē, é dọdọdai dọ Jesu na kú na akọta lọ; 52 E ma yin na akọta lọ kẹde, şigba dọ é nido bé ovi Jiwheyewhe tọn lẹ pli do dopo, he yé wánvún pé lẹ. 53 Mowẹ sọn azán lọ gbè wẹ yé ko yi hónamẹ na yé nido hù i.

54 Enewutu Jesu ma sọ zinzonlin to gbangba to Ju lẹ mē ba; şigba é fónyi sọn fiñe biọ otò he sẹpọ zungbo dali, yi otódaho de mē, he yé nọ ylọ Eflaimi, fiñe wẹ é nọ po nuplontọ lẹ po. 55 Dinvie Juwayi Ju lẹ tọn tin to oyakẹ: omẹ susu sọ tón sọn otò lọ mē, bo heji yi Jelusalem jenukonna juwayi lọ, nado klán yéde do wiwe. 56 Enewutu yé to dindin Jesu, bo to didọ to yéde senşen le yé şite to templi mē, domọ, Ete wá mē len? dọ ewọ ma to na wá hunwhẹ lọ kọn wẹ? 57 Dinvie ogán yewhenọ lẹ tọn, po Falesi lẹ po ko na gbède dọ, eyin mēdepope yón ofi he é te, é ni do e hia, na yé nido wlé e.

12 1 ENEWUTU azán sidopo jenukonna juwayi lọ Jesu wá Bẹtani, fie Lazalọsi te, mēhe Jesu fón sọn osiọ lẹ mē. 2 Mowẹ yé basi núdúdu tennu tọn de to fiñe: Malta sọ to lizonyi: şigba Lazalọsi yin dopo to mēhe jagla to tafo

ji po e po lẹ mẹ. 3 Enẹwutu Malia yi ojleka nusisá nadi tọn de, akugegeenu, bo to sisá do afọ Jesu tọn, bo yi odá eton do to afọ eton sinsún: ohò lọ sọ gọ na owán nusisá lọ tọn. 4 Sígba dopo to nuplontọ eton lẹ mẹ, Juda Iskalloti, ovisunnu Simoni tọn, mēhe na dè e hia, domo, 5 Etẹwutu wẹ yé ma sá nusisá he yin fatakakue fodekanweko,* bo yin nina hlan wamọnọ lẹ? 6 E dọ ehe dinvie, é ma yin dọ é hò wamọnọ lẹ pón wutu gba; sígba dọ ewọ yin ajotọ de wutu, podọ tintindo apò lọ, nọ bẹ onú yé bẹ do e mẹ lẹ yi. 7 Enẹwutu Jesu domo, Mi jo e do: ewọ whlá ehe dai na azán didi sie tọn. 8 Na whepoponu wẹ mi tindo wamọnọ lẹ to mi de; sígba mi ma tindo mi to whepoponu gba.

9 Enẹwutu omẹvotọ lẹ sọn Ju lẹ mẹ yonen dọ é tin to fine: yé wá, é ma yin Jesu tọn wutu kedẹ gba, sígba na yé nido mo Lazalosi ga, mehe ewọ fón sọn osio lẹ mẹ. 10 Sígba ogán yewhenọ lẹ tọn, yi hónamẹ na yé nido hù Lazalosi ga; 11 na ewọ tọn wutu wẹ Ju susu do yi, bo sọ yi Jesu se.

12 To azán awetọ gbè, agúndaho de he wá hunwhẹ lọ kọn, whenuena yé sè dọ Jesu ja Jerusalem, 13 yi odema, bo tónjẹgonu yi nado pé e, bo to awhádo dọ, Hosanna! donanọ wẹ ewọ he ja to oyin Oklunọ tọn mẹ, yèdọ ahọlu Israeli tọn lọ. 14 Podọ Jesu, mimo ketẹketẹvu de, é sinai do e ji; dile yé wlan dọ, 15 A ãibu blo, oviyọnnu Zioni tọn: pón, Ahọlu towe ja, é sinai do ketẹketẹvu de ji. 16 Nuplontọ eton lẹ ma tunwun onú helẹ to whẹwbẹwhenu: sígba whe-nuena yé pagigona Jesu, whenenu wẹ yé fin dọ, yé ko wlan onú helẹ na ewọ tọn, podọ yé ko basi onú helẹ hlan en.

17 Enẹwutu agúndaho he tin to e de lọ, whenuena é ylo Lazalosi sọn oyòwhé lọ mẹ, bo fón en sọn osio lẹ mẹ, dekunnu. 18 Na ehe lọ tọn wutu ga wẹ agúndaho lọ yi pé e, na yé sè dọ é ko basi ohia he. 19 Enẹwutu Falesi lẹ dọ to yéde sẹnšen, dọ, Mi mọ le mi ma sọgan hùgan to onú depope mẹ de? pón, aihon lẹpo wẹ to yiyl hodo e.

20 Nido Gleki delẹ tin to yé sẹnšen mēhe heji yi nado litai to hunwhẹ lọ

kọn. 21 Enẹwutu ehele wá Filipi de, ehe tin sọn Betsaida Galili tọn, bo to kinkanbiọ e dọ, Medaho, mi jlo Jesu na mọ. 22 Filipi sọ wá, bo dọ na André; André wá, po Filipi po yé sọ dọ na Jesu. 23 Jesu sọ gblonna yé dọ, Ojle lọ wá, na yé nido pagigona Ovi Gbetọ tọn. 24 Nugbo, nugbo, wẹ yẹn dọ hlan mi, adavo olikún dopo flé biọ aigba mẹ bo sọ kú, é note na ede dopokede; sígba eyin é kú, é hen sinsen susu. 25 Mēhe yiwanna alindon eton na hen en bú; mēhe sọ gbewanna alindon eton to aihon he mē na whlá e hlan ogbè madopodo. 26 Eyin mēde to sinsen mi, gbọ é ni hodo mi; ofi he yẹn te, fine devi sie na te ga: eyin mēdepope to sinsen mi, ewọ lọ wẹ Otọ sie na gbògbena. 27 Dinvie wẹ yé to tuklado alindon sie: be etewe yẹn na dọ? Otọ, whlẹn mi gán sọn ojle he mē: sígba na ehe lọ tọn wutu wẹ yẹn wá je ojle he. 28 Otọ, pagigona oyin towe. Enẹwutu ogbè de sọn olon mẹ wá, domo, Yẹn ko pagigona en, bo na sọ vọ gigopana en. 29 Enẹwutu agúndaho lọ he site to fine, bo sè e lẹ, dọ osò yénwan: mēdele dọ, Angeli de ko dọhó hlan en. 30 Jesu sọ gblon bo domo, Ogbè he ma wá na yẹn wutu gba, sígba na miwle wutu wẹ. 31 Dinvie wẹ whédida aihon he tọn de wá: dinvie wẹ yé na yán ahovi aihon he tọn jẹgonu. 32 Podọ yẹn, eyin yé zé mi daga sọn aigba, na dón gbeto lẹpo hlan de. 33 Sígba ehe wẹ ewọ dọ dojle gbọn okú he hunko ewọ na kú tọn dali. 34 Enẹwutu agúndaho lọ gblon nọ dọ, Mi ko sè sọn osen mẹ dọ Klisti na nọ kakadoi: nawẹ hiẹ dọ do dọ, Yé ma sọgan nọ ma zé Ovi gbeto tọn daga? Menu wẹ Ovi gbeto tọn he? 35 Enẹwutu Jesu dọ hlan yé, dọ, Ojle vude dogo wẹ hinhon tin to mi mē. Mi zinzonlin whenuena mi tindo hinhon, na zinlvu ma na do pla mi: na mēhe to zonlinzin to zinlvu mē ma yón ofi he é jei. 36 Whenuena mi tindo hinhon, mi ni yi hinhon sè, na mi nido yin ovi hinhon tọn lẹ.

Onú helẹ wẹ Jesu dọ, bo fónyi, bo sọ ede whlá sọn yé de. 37 Sígba le é basi ohia susu mo to yé nukon, yé ma yi i se gba: 38 na yé nido hen ohó Isaia yewhégán tọn di, ehe é dọ, domo,²

* Pón Mat. 18. 28.

Oklunɔ, mɛnu wɛ yí owɛn mítɔn se?

Hlan mɛnu wɛ yè yí awà Oklunɔ tɔn hía?

39 Na ehe lɔ tɔn wutu wɛ yé ma sɔgan do yise, na Isaia sɔ vó òmò,

40 E ko tɔnnukunna yé, bo ko sɔ hɛn ayiha yetɔn sinyen;

Na yé níkà yí nukun yetɔn lɛ do mɔ, bo sɔ yí ayiha yetɔn do mɔhlan,

Bo lé,

Na yɛn nido hɛnazɔngbɔna yé.

41 Onú helɛ wɛ Isaia dɔ, na é mɔ gigo etɔn wutu, bo sɔ dohó etɔn. **42** Gãnsɔ yè-dɔ omɛ susu wɛ yise to ogán dahó yé mɛ ga, sigba na Falesi lɛ tɔn wutu yé ma yigbè etɔn gba, na yé níkà yán yé sɔn sinagogu. **43** Na yé yiwanna gigo gbɛtɔ tɔn hú gigo Jiwheyewhe tɔn.

44 Jesu sɔ dawhá bo òmò, Ewɔ he yí mí se, yɛn ma wɛ é yise gba, adavo ewɔ he do mi hlan. **45** Mɛhɛ sɔ mɔ mi, mɔ mɛhɛ do mi hlan. **46** Yɛn wá hinhɔn de biɔ aihɔn mɛ, na mɛdepope he yí mí se ma nido nò zinvlu mɛ gba. **47** Podɔ eyin mɛdepope sè ohó sie lɛ bo ma yin yé, yɛn ma dawhɛna ɛn gba: na yɛn ma wá nado dawhɛna aihɔn gba, adavo nado whlɛn aihɔn gán. **48** Ewɔ he gbè mi, bo ma sɔ yí ohó sie lɛ, tindo mɛhɛ to owhé etɔn da de: ohó he yɛn dɔ lɔ, dopolɔ wɛ nasɔ dawhɛna ɛn to azán pòdo gbè. **49** Na yɛn ma dohó sɔn dè de gba; sigba Otó he do mi hlan, ewɔ ko na gbèdide de mi, onú he yɛn na nɔ dɔ, po ohó he yɛn na nɔ gblɔn po. **50** Podɔ yɛn sɔ yɔnɛn dɔ gbèdide etɔn wɛ ogbè madopodo: enɛwutu onú he yɛn to dido lɛ òpope, yèdɔ dile Otó dɔ hlan mí do, mɔwɛ yɛr. to dido dɔ.

13 **1** DINVIE jɛnukɔnna hunwhɛ ju-wayí tɔn lɔ, whenuena Jesu yɔnɛn dɔ ojɛ etɔn wá, bɔ ewɔ na do yí sɔn aihɔn he mɛ yí Otó de, le é yiwanna omɛ etɔn titi he tin to aihɔn mɛ lɛ do, é yiwanna yé jɛ pòdo. **2** Podɔ to nùdùdù tenu tɔn whenu, lɛgba ko yí i do ayiha Juda Iskalioti, ovi Simɔni tɔn tɔn mɛ, nado dè e hía; **3** le Jesu yɔnɛn dɔ Otó ko yí onú popo do alɔ etɔn mɛ, podɔ Jiwheyewhe de wɛ é jɛgbonu sɔn wá, bo sɔ jɛl Jiwheyewhe de; **4** e fɔn sɔn nú-

dùdù tenu tɔn kɔn, bo dè awù etɔn do apadopo; é sɔ yí duku de do blagbajana ede. **5** Whɛnɛnu é kɔn osin do siklɛ mɛ. bo sɛ nado to afɔ nuplɔntɔ etɔn lɛ tɔn klɔ, podɔ nado to duku he é do blagbaja yí do to sɔnsɔnsunɔn yé. **6** Mɔwɛ é wá Simɔni Pita de: Pita sɔ dɔ hlan ɛn, dɔ, Hiɛ to afɔ sie klɔ wɛ, Oklunɔ? **7** Jesu sɔ gblɔn bo dɔ hlan ɛn, dɔ, Onú he yɛn to wiwá hiɛ ma yɔnɛn dinvie gba, sigba hiɛ na yɔnɛn to godo. **8** Pita sɔ dɔ hlan ɛn, dɔ, Hiɛ ma na klɔ afɔ sie gbède. Jesu sɔ gblɔnna ɛn, dɔ, Eyin yɛn ma klɔ we, hiɛ ma tindo tɛnmɛ de to dè **9** Simɔni Pita sɔ dɔ hlan ɛn, dɔ, E ma yin afɔ sie kɛdɛ gba, Oklunɔ, sigba alɔ sie po ota sie po ga. **10** Jesu sɔ dɔ hlan ɛn, dɔ, Mɛhɛ yé klɔ ma din hú dɔ yé ní klɔ afɔ etɔn, sigba é wé to ofi popo: miwɛ wé, sigba é ma yin mí omɛ pó gba. **11** Na é ko yɔn mɛhɛ na dè e hía; enɛwutu wɛ é òmò, Mí omɛ pó ma wɛ gba.

12 Mɔwɛ whenuena é ko klɔ afɔ yetɔn lɛ, bo sɔ yí awù etɔn bo jagla, é dɔ hlan yé, dɔ, Be mí yɔn onú he yɛn wá hlan mí? **13** Miwɛ to yiylɔ mí dɔ Mɛplɔntɔ, bo to yiylɔ mí dɔ Oklunɔ; mí dɔ dagbe; na mɔwɛ yɛn yin. **14** Enɛwutu eyin yɛn mɛhɛ yin Oklunɔ mítɔn, bo sɔ yin Mɛplɔntɔ mítɔn klɔ afɔ mítɔn; é sɔ jɛ na miwɛ ní sɔ klɔ afɔ minɔzo tɔn ga. **15** Na yɛn ko na ohia mí, na mí nido nɔ wá dile yɛn wá hlan mí do. **16** Nugbo, nugbo, wɛ yɛn dɔ hlan mí, Afánunɛ ma klohù oklunɔ etɔn gba; podɔ omɛdohlan ma klohù mɛhɛ do e hlan gba. **17** Eyin mí yɔn onú helɛ, donanɔ wɛ mí eyin mí basi yé. **18** Yɛn mɛ dɔ mí omɛ pó tɔn gba; yɛn yɔn omɛ he yɛn dè lɛ; sigba na yé nido hɛn Owé wiwe di, Mɛhɛ to nùdù hɛ mí ko zé afɔgbɛn etɔn daga do oji e.¹ **19** Dinvie yɛn dɔ hlan mí whɛpɔ é na jɔ, dɔ, whenuena é ko jɔ, na mí nido yise dɔ yɛn lɔ wɛ. **20** Nugbo, nugbo, wɛ yɛn dɔ hlan mí, Mɛhɛ yí omɛ depope he yɛn dohlan, é yí mí; mɛhɛ sɔ yí mí, é yí mɛhɛ do mi hlan.

21 Whenuena Jesu ko dɔ le vò, yé hɛn ɛn jɛtukla to gbigbɔ mɛ, é sɔ de-kunnu, bo òmò, Nugbo, nugbo, wɛ yɛn dɔ hlan mí, dɔ dopo mí tɔn na dè mí hía. **22** Nuplɔntɔ lɛ to yénozo pón, bo to ohó mɛhɛ tɔn é dɔ há. **23** Mɛdɛ

¹ Ps. 41. 9.

jagla to akónnu Jesu tòn, dopo to nuplontò etòn lẹ mẹ, mēhe Jesu yiwanna. 24 Enẹwutu Simōni Pita mialọ hlan ẹn, bo dọ hlan ẹn dọ, Dọ ohó mēhe tòn é to dido na mí. 25 Ewọ didé hlan godo dole ewọ ko te, to akónnu Jesu tòn dọ hlan ẹn dọ, Oklunọ, mēnu é yín? 26 Enẹwutu Jesu sọ gbłon dọmọ, Mēhe yẹn yí nùdó na, whenuena yẹn yí do sionú, ewọ lọ wẹ. Mowẹ whenuena é yí i do sionú, é yí bo na hlan Juda Iskalioti, ovisunnu Simōni tòn. 27 To nùdó lọ godo whenenu wẹ Satani biọ ohó etòn mẹ. Enẹwutu wẹ Jesu dọ hlan ẹn, dọ, Ehe hiẹ to bibasi, basi plaun. 28 Dinvie mēdepope to tafo ji ma yón onú he tòn wutu é dọ ehe hlan ẹn. 29 Na mēdele to yé mẹ lẹn dọ, Juda tindo apọ wutu wẹ Jesu dọ hlan ẹn, dọ, Hó onú he mí ma sogan nẹ matindo lẹ na hunwhẹ lọ; kavi dọ é ni na nùde wamọnọ lẹ. 30 Whenuenu le ewọ yí nùdó lọ, é tónjẹgbonu yí to afodoponeji; ozánmẹ sọ wẹ. 31 Enẹwutu whenuena é tónjẹgbonu yí, Jesu dọmọ, Dinvie wẹ yẹ pagigona Ovi gbẹtọ tòn, yẹ sọ pagigona Jiwheyewhe to ewọ mẹ. 32 Jiwheyewhe na pagigona ewọ to edelọsu mẹ, bo nasọ pagigo nẹ to afodoponeji. 33 Mí yọpọ emi, ojẹ vude mẹ dogọ wẹ yẹn tin to mí de. Mí na din mí: dile yẹn dọ hlan Ju lẹ, dọ, Fie yẹn jei, mí ma sogan wá; mowẹ yẹn dọ hlan mí to dinvie. 34 Osẹn yóyọ de wẹ yẹn na hlan mí, Dọ mí ni yiwanna mlzozo: dile yẹn yiwanna mí, na miwle ga ni yiwanna minzo. 35 Gbọn ehe dali wẹ gbẹtọ lẹpo na yonẹn dọ nuplontọ sie wẹ mí, eyín miwle tindo owanyi hlan minzo.

36 Simōni Pita dọ hlan ẹn, dọ, Fie wẹ hiẹ jei, Oklunọ? Jesu sọ gbłon dọmọ, Fie yẹn jei, hiẹ ma sogan hodo mí to dinvie gba; sigba hiẹ na hodo to godo. 37 Pita dọ hlan ẹn, dọ, Etegwutu yẹn ma sogan hodo wẹ yèdọ to dinvie, Oklunọ? Yẹn sogan yí gbigbo sie liai na hiẹ. 38 Jesu sọ gbłon, dọ, Hiẹ na yí gbigbo towe liai na yẹn? Nugbo, nugbo, wẹ yẹn dọ hlan wẹ, Koklo ma na dose, whẹpo hiẹ nado mọn mí whlatòn.

14 1 Mí dike ayiha mitòn yín tuklano blo: mí yise to Jiwheyewhe mẹ, mí yise to yẹn mẹ ga. 2 To owhe Otọ sie tòn. gbẹ ofi ninọ susu wẹ tin: eyín é ma yín mọ, yẹn do ko dọ hlan mí.

Yẹn jei nado wleawu otẹn de tòn dai na mí. 3 Eyín yẹn yí bo wleawu otẹn de tòn dai na mí, yẹn nasọ legò, bo hẹn mí yí dẹ de; na ofi he yẹn te finẹ wẹ mí na nọ ga. 4 Podọ ofi he yẹn jei mí yonẹn, mí sọ yón aliho lọ ga. 5 Tomasi dọ hlan ẹn, dọ, Oklunọ, miwle ma yón ofi he hiẹ jei; nawẹ mí na yón aliho lọ do? 6 Jesu dọ hlan ẹn, dọ, Yẹn wẹ aliho lọ, nugbo, po ogbẹ po; mēde ma sogan wá Otọ de, adavo gbọn yẹn dali. 7 Eyín miwle ko yón mí, mí do ko yón Otọ sie ga: podọ sọn dinvie yí, miwle ko yón ẹn, bo ko sọ mọ ẹn. 8 Filipi dọ hlan ẹn, dọ, Do Otọ lọ hia mí, Oklunọ, é sọ sù na mí. 9 Jesu dọ hlan ẹn, dọ, Be le yẹn ko tin to mí de dẹn do, hiẹ ma ko yón mí gba, Filipi? ewọ he ko mọ mí ko mọ Otọ; nawẹ hiẹ dọ do dọ, Do Otọ lọ hia mí? 10 Be hiẹ ma yise dọ yẹn tin to Otọ mẹ, podọ Otọ tin to yẹn mẹ? Ohó he yẹn dọ hlan mí lẹ, yẹn ma dọ sọn dẹ de gba; sigba Otọ he nonọ yẹn mẹ wẹ wá azón lẹ lọ. 11 Mí yise dọ yẹn tin to Otọ mẹ, podọ Otọ tin to yẹn mẹ: kavi eyín é ma yín mọ, mí bo yí mí se na azón lọsu lẹ tòn wutu. 12 Nugbo, nugbo, wẹ yẹn dọ hlan mí, Mēhe yí mí se, azón he yẹn wá, wẹ ewọ na yí gba; azón he sọ klohu ebele wẹ é na wá; na yẹn yí Otọ sie de wutu. 13 Podọ onú depope he mí na kanbiọ to oyín sie mẹ, enẹ wẹ yẹn na wá, na yẹ nido pagigona Otọ to Ovi mẹ. 14 Eyín mí kán nudepope biọ to oyín sie mẹ, yẹn na basi i. 15 Eyín mí yiwanna mí, mí bo yín osẹn sie lẹ. 16 Yẹn nasọ hodé hlan Otọ, ewọ nasọ na Homejladotọ devo mí, na dọ ewọ nido tin to mí de kaka doi; 17 yèdọ Gbigbo nugbo tòn; mēhe aihon ma sogan yí, na é ma mọ ẹn, mọ é ma yón ẹn; sigba miwle yón ẹn; na ewọ nonọ mí de, bo nasọ tin to mí mẹ. 18 Yẹn ma na jo mí do mēdesonajinokòn gba: yẹn sọ ja mí de. 19 To whenu vude, aihon ma na mọ mí ba; sigba miwle mọ mí: na yẹn tin to ogbẹ wutu, mí na tin to ogbẹ. 20 To azán lọ gbè mí na yonẹn dọ yẹn tin to Otọ sie mẹ, podọ miwle to yẹn mẹ, podọ yẹn to mí mẹ. 21 Ewọ he tindo osẹn sie lẹ, bo sọ yín yé, ewọ lọ wẹ mēhe yiwanna mí: mēhe sọ yiwanna mí, yẹ na yíwan nẹ sọn Otọ sie de, yẹn nasọ yíwan nẹ, bo nasọ do dẹ hia hlan ẹn. 22 Juda dọ hlan ẹn, é ma yín Iskalioti

gba, dọ Oklunọ, etẹ wẹ ja jijo gbé bọ hiẹ na de dewe hia hlan mi, bọ é ma na yin hlan aihon? 23 Jesu gblon bo dọ hlan ẹn, dọ, Eyin mede yiwanna mi, é na yin ohó sie le: Otó sie nasọ yiwan na, mí nasọ wá e de, bo nasọ basi noten miton to e de. 24 Mèhe ma yiwanna mi, é ma sè ohó sie: na ohó he mí sè lọ ma yin sie, sigba Otó he do mí hlan ton wẹ.

25 Onú helẹ wẹ yẹn ko dọ hlan mí, ta whenuena yẹn to ninọ he mí. 26 Sigba Whẹyidoto lẹ, he yin Gbigbo Wiwe, mèhe Otó na dohlan to oyin sie mẹ, ewọ na plon onú lẹpo mí, bo nasọ hẹn onú he yẹn dọ hlan mí lẹpo wá ofin miton mẹ. 27 Jijoho wẹ yẹn jo do mí de, jijoho sie wẹ yẹn na hlan mí: é ma yin le aihon ko namẹ do wẹ yẹn na hlan mí do gba. Mídike ayiha miton yin tuklano blo, mí sọ díke é yin obunọ blo. 28 Mí sè le yẹn dọ hlan mí, dọ, Yẹn jei, bo sọ wọ gọja mí de. Eyin mí yiwanna mi, mí do ko jaya, na yẹn jei Otó de wutu: na Otó yin kiklo hú mí. 29 Yẹn ko dọ hlan mí dinvie whẹpo é na jo, dọ whenuena é jẹ na mí nido yise. 30 Yẹn ma na dohó susu he mí ba gba: na ahoji aihon ton lọ wá, ewọ ma sọ tindo núde to yẹn mẹ. 31 Sigba na aihon nido yonẹn dọ yẹn yiwanna Otó; podọ dile Otó na osen mí do, yèdọ mọwẹ yẹn wá de. Mí fon, mí gbọ mí ni yi sọn ofi.

15 1 YEN wẹ owěntin nugbo lọ, Otó sie wẹ oglesi. 2 Alá depope to yẹn mẹ, he ma hẹn sinsen, ewọ dè e sẹ: podọ alá depope he hẹn sinsen, ewọ lẹ e wé, na é nido hẹn sinsen húmọ. 3 Míwle wé to dinvie gbọn ohó he yẹn dọ hlan mí dali. 4 Mí nonọ yẹn mẹ, podọ yẹn to míwle mẹ. Dile alá ma sọgan hẹn sinsen ededenu, adavo é nonọ owěntin mẹ; mọkẹdẹ wẹ míwle ma sọgan, adavo mí nonọ yẹn mẹ. 5 Yẹn wẹ owěntin lọ, míwle wẹ alá lẹ: ewọ he nonọ yẹn mẹ, podọ yẹn to ewọ mẹ, dopolọ wẹ hẹn sinsen susu: na jija sọn dè míwle ma sọgan wá núde. 6 Eyin mède ma nonọ yẹn mẹ, yé dè e dlangbe kẹdẹdi alá de, é sọ yó; yé sọ bẹ yé pli, bo zé yé dlan miyon mẹ, bo sọ fiọ yé. 7 Eyin mí nonọ yẹn mẹ, bọ ohó sie lẹ sọ nonọ míwle mẹ, mí na kán onú he mí jlo biọ,

é bo na sọ yin wiwá hlan mí. 8 To ehe mẹ wẹ yé pagigona Otó sie te de, mí ni hẹn sinsen susu; mọwẹ míwle nasọ yin nuplonto sie. 9 Yèdọ le Otó yiwanna mí do, wẹ yẹn yiwanna míwle do ga: mí nonọ owanyi sie mẹ. 10 Eyin mí yin osen sie lẹ, mí na nonọ owanyi sie mẹ; yèdọ dile yẹn yin osen Otó sie ton, bo sọ nonọ owanyi eton mẹ do. 11 Onú helẹ wẹ yẹn ko dọ hlan mí, na ayajẹ sie nido tin to mí mẹ, podọ na ayajẹ miton nido yin hinhenpé. 12 Ehe wẹ osen sie, Dọ mí ni yiwanna, mínozo, yèdọ dile yẹn yiwanna mí do. 13 Mède ma tindo owanyi he klo hú ehe, dọ mède zé ogbẹ eton liai na honton eton lẹ. 14 Honton sie wẹ míwle, eyin mí wá onú he yẹn degbena mí lẹ. 15 Sọn dinvie yẹn ma ylo mí afanume lẹ ba; na afanume ma yon onú he oklunọ eton to wiwá: sigba yẹn ylo mí honton, na onú he yẹn ko sè sọn Otó sie de lẹpo, yẹn ko hẹn zún yinonẹn hlan mí. 16 Míwle ma wẹ dè mí gba, sigba yẹn wẹ dè mí, bo sọ nasẹ mí dọ mí ni yi bo hẹn sinsen, podọ na sinsen miton nido nọte: na onú depope mí na biọ sọn Otó de to oyin sie mẹ, é nido na ẹn mí. 17 Onú helẹ wẹ yẹn degbena mí dọ, mí ni yiwanna mínozo. 18 Eyin aihon gbewanna mí, mí yonẹn dọ, é ko gbewanna mí, whẹpo é do gbewanna mí. 19 Eyin míwle ko yin aihon ton, aihon na yiwanna eton titi; sigba na mí ma yin aihon ton wutu, sigba yẹn ko dè mí sọn aihon mẹ, enẹvutu wẹ aihon gbewanna mí. 20 Mí ni fin ohó he yẹn ko dọ hlan mí dọ, Afanume ma klohu oklunọ eton. Eyin yé dohomẹken mí, yé nasọ dohomẹken míwle ga; eyin yé ko yi ohó sie hẹn, yé na yi miton hẹn ga. 21 Sigba onú helẹ pó wẹ yé na wá do mí na oyin sie ton wutu, na yé ma yon ewọ he do mí hlan wutu. 22 Eyin yẹn ma ko wá bo ko dohó hlan yé, yé ma do tindo ylando: sigba dinvie yé ma tindo wẹwẹnu de na ylando yeton. 23 Ewo he gbewanna mí, gbewanna Otó sie ga. 24 Eyin yẹn ma ko wá to yé sẹnsen azon he mède ma wá, yé ma do tindo ylando gba; sigba dinvie yé ko mọ, bo sọ gbewanna mí po Otó sie po. 25 Sigba ehe jọ, na ohó he yé wlan to osen yeton mẹ mido dí, Yé gbewanna mí matin owèhó de. 26 Sigba whenu-

ena Whèyídotọ lọ wá mēhe yẹn na dohlan mi sọn Otọ de, yèdọ Gbigbọ nugbo tọn, mēhe tọn sọn Otọ de, ewọ na dekunnuna mi: 27 miwẹ na dekunnuna mi ga, na mi ko tin to dè sọn whéwhéwhenu wutu.

16 1 ONU helẹ wẹ yẹn ko dọ hlan mi, na yè ma na do hẹn mi dahli. 2 Yé na dè mi sọn sinagogu lẹ mẹ: mọwẹ ojẹ lọ ja, whenuena mēdepope he hù mi, na lẹn dọ é to sinsẹn basi hlan Jiwheyewhe. 3 Onú helẹ pọ wẹ yé na wá, na yé ma yón Otọ, yé ma sọ yón mi wutu. 4 Şigba onú helẹ wẹ yẹn dọ hlan mi, na whenuena ojẹ yeton wá, mi nido flin yé, le yẹn ko dọ na mi. Yẹn ma dọ onú helẹ hlan mi sọn whéwhéwhenu gba, na yẹn tin to mi de wutu. 5 Şigba dinvie yẹn jei ewọ he do mi hlan de; mēdepope ma sọ kanbiọ mi to mi mē dọ, Fie wẹ hiẹ jei? 6 Şigba na yẹn dọ onú helẹ hlan mi wutu, awúbla gọ ayiha miton mē. 7 Gãnsọ nugbo yẹn dọ hlan mi; E tin jẹ na mi dọ yẹn ni yi: na eyin yẹn ma yi, Whèyídotọ lọ ma na wá mi de gba: şigba eyin yẹn yi, yẹn na do e hlan mi. 8 Podọ ewọ, whenuena é wá, é na gblewhèdọ aihon to agójijẹ ylando tọn mē, dódó tọn, po owèhèda tọn po: 9 ylando tọn, na yé ma yi mi se wutu; 10 dódó tọn, na yẹn jei Otọ şie de, bọ mi ma na mọ mi ba wutu; 11 owèhèda tọn, na yè ko dawhèna ahovi aihon he tọn wutu. 12 Yẹn gbé sọ tindo onú susu nado dọ hlan mi, şigba miwẹ ma sogan hẹn yé to dinvie gba. 13 Şigba whenuena ewọ, Gbigbọ nugbo tọn wá, ewọ na plan mi biọ nugbo lẹpo mē: na ewọ ma na dọhó sọn ede mē gba, şigba onú depope he é na sè, ehele wẹ é na dọ: é nasọ lá onú he ja jijo gbé lẹpo hlan mi. 14 Ewọ na pagigona mi; na é na dè sọn şie mē, bo na lá é hlan mi. 15 Onú he Otọ tindo lẹpo depope şie wẹ: enẹwutu wẹ yẹn dọ, ewọ na dè sọn şie mē, bo na lá é hlan mi. 16 Whenu vude, miwẹ ma na mọ mi ba: podọ whenu vude, mi nasọ mọ mi, na yẹn jei Otọ de wutu. 17 Enẹwutu omẹ delẹ to nuplontọ eton lẹ mē dọ to yéde şenşen, dọ, Etẹwẹ ehe é dọ hlan mi he, Whenu vude, mi ma na mọ mi ba; podọ, whenu vude, mi nasọ mọ mi: podọ, Yẹn jei Otọ de wutu? 18 Enẹwutu yé dọmọ, Etẹwẹ ehe é dọ he, Whenu vude? miwẹ ma yón onú he é dọ gba. 19 Jesu mọhlan dọ yé yin ojiono

nado kanbiọ ş, é dọ hlan yé, dọ, Mi to kinkanbiọ to midé şenşen gbọn ehe tọn dali, Yẹn dọ, dọmọ, Whenu vude, miwẹ ma na mọ mi ba; podọ, whenu vude, mi nasọ mọ mi? 20 Nugbo, nugbo, wẹ yẹn dọ hlan mi, dọ, Mi na viavi bo sọ doavigbè, şigba aihon na to ayajẹ; mi na yin awublanọ, şigba yé na hẹn awúbla miton zùn ayajijẹ. 21 Yonnu de whenuena é tin to ajipanu, tindo awúbla, na ojẹ eton wá wutu: şigba whenuena é jivi, ewọ ma sọ flin awuvive ba, na ayajẹ lọ dọ, yé ji gbẹtọ de do aihon mē. 22 Enẹwutu miwẹ tindo awúbla to dinvie; şigba yẹn nasọ vọ mi mọ, ayiha miton nasọ jaya, mēde ma nasọ dè ayajẹ miton sọn mi de. 23 To azán nẹ gbè, mi ma na kàn onú depope se mi ba. Nugbo, nugbo, wẹ yẹn dọ hlan mi, eyin mi na kàn onú depope biọ to Otọ de, ewọ na yi i na mi to oyin şie mē. 24 Kaka jẹ dinvie miwẹ ma ko kàn onú de biọ to oyin şie mē gba; mi kanbiọ, mi nasọ mọyi, na ayajijẹ miton nido gọ.

25 Onú helẹ wẹ yẹn ko nọ dọ hlan mi to oló lẹ mē: şigba ojẹ lọ wá, whenuena yẹn ma na dọhó to oló mē hlan mi ba, şigba yẹn na dọ Otọ tọn na mi gbangba. 26 To azán nẹ gbè mi na kanbiọ to oyin şie mē: yẹn ma dọ hlan mi, dọ, Yẹn na vẹ Otọ na mi gba: 27 na Otọ losu yiwanna mi, na miwẹ yiwanna mi wutu, bo ko sọ yise dọ Jiwheyewhe de wẹ yẹn sọn wá. 28 Yẹn tónjẹgbonu sọn Otọ de wá, bo wá aihon mē: yẹn sọ jo aihon do, bo sọ jei Otọ de. 29 Nuplontọ eton lẹ dọmọ, Dinvie wẹ hiẹ dọhó gbangba, bo ma dọ oló de gba. 30 Dinvie wẹ mí yonẹn dọ hiẹ yón onú popo, bo ma sọ tinnúwhèdọ dọ mēde ni kàn onú de biọ we: gbọn ehe mē wẹ miwẹ yise dọ Jiwheyewhe de wẹ hiẹ sọn wá. 31 Jesu sọ gblonna yé, dọ, Be miwẹ yise to dinvie? 32 Do ayi e go, ojẹ lọ ja, mọwẹ é wá to dinvie, dọ yé na vúnvún mi pé, dopodopo miton do onú ede tọn kọn, bo nasọ jo yẹn dopo dai: gãnsọ é ma yin yẹn dopo gba, na Otọ tin to dè wutu. 33 Onú helẹ wẹ yẹn ko nọ dọ hlan mi, na mi nido tindo jijohe to yẹn mē. To aihon mē mi na tindo tukla: şigba mi dèji; yẹn ko gbawhàn aihon tọn.

17 1 ONÚ helẹ wẹ Jesu dọ, zizé nukun eton daga hlan olon, é dọmọ, Otọ, ojẹ lọ wá; pagigona Ovi towe; na Ovi

lò nido pagigona we: 2 yèdò dile hię na așe ę to agbaalan lępo ji dọ nudepope hię na ęn ewọ ni na ogbẹ madopodo yé. 3 Podọ ehe wẹ ogbẹ madopodo, dọ yé ni y. hię șokędę Jiwheyewhe nugbo, podọ ewọ męhe hię dohlan, yèdọ Jesu Klisti. 4 Yęn ko pagigona we to aihon mę; yęn ko dotana azon he hię na mi nado wà lọ. 5 Dinvie, Otọ E, yi dewe titi do pagigona mi po gigo lọ po he yęn ko tindo to de we whępo aihon do jọ. 6 Yęn ko do oyin towe hia omę he hię na mi son aihon mę lę: towe wẹ yé, hię sọ yi yé na mi; yé ko sọ yin ohó towe. 7 Yé ko yonęn dinvie dọ, nudepope hę hię ko na mi de we wẹ é sọn. 8 Na ohó he hię na mi lępo wẹ yęn ko na hlan yé; yé ko yi yé, bo sọ yonęn hęzéhé zé dọ, de we wẹ yęn sọn wá, yé ko sọ yise dọ hię wẹ do mi hlan. 9 Yęn hodę na yé; yęn ma hodę na aihon gba, řigba na męhe hię yi na mi lę; na towe wẹ yé. 10 Podọ towe wẹ onú he yin sie lępo, towe lępo sọ wẹ sie; yé sọ to gigopana mi to yé mę. 11 Dinvie yęn ma sọ tin to aihon mę ba, řigba ehele tin to aihon mę, yęn sọ ja de we. Otọ Wiwe, whlá yé he hię na mi lę to oyin dewe ton mę, na yé ni yin dọpo, yèdọ dile miwle tẹ. 12 Whenuena yęn tin to yé de, yęn whla yé he hię na mi to oyin towe mę: yęn sọ hó yé, dopo sọn yé mę na dón, adavo visunnu vivá ton; na owé wiwe lọ nido yin didi. 13 Dinvie yęn ja de we; onú hele wẹ yęn dọ to aihon mę, na yé nido tindo ayajije sie to gigo mę to yéde mę. 14 Yęn ko na ohó towe yé; aihon sọ gbęwanna yé, na yé ma yin aihon ton wutu, yèdọ dile yęn ma yin aihon ton. 15 Yęn ma basi okanbiọ dọ, hię nido fọ yé sọn aihon mę gba, řigba dọ hię ni whlá yé sọn oylan mę. 16 Yé ma yin aihon ton, yèdọ dile yęn ma yin aihon ton do. 17 Lę yé wẹ to nugbo towe mę: ohó towe wẹ nugbo. 18 Dile hię do mi hlan aihon mę; yèdọ mowę yęn do yé hlan aihon mę. 19 Na yé ton wutu wẹ yęn lę dę wé, na yé losu ga nido yin liléwé to nugbo lọ mę. 20 Yęn ma sọ hodę na ehele kędę gba, řigba na yé ga he na yi mi se gbon ohó yęton mę lę; 21 na yé omę pó nido yin dọpo; yèdọ dile hię, Otọ, te to yęn mę, bo yęn to hię mę, na yewlę ga nido yin dọpo to miwle mę: na aihon nido yise dọ hię wẹ do mi hlan. 22 Podọ gigo he hię na mi, yęn ko na

hlan yé; na yé nido yin dọpo, yèdọ dile miwle yin dọpo do. 23 Yęn to yé mę, podọ hię to yęn mę; na yé nido hen yé yin pipé to dọpo mę; na aihon nido yonęn dọ hię wẹ do mi hlan, bo sọ yi-wanna yé, yèdọ dile hię yi-wanna mi do. 24 Otọ, Enele he hię na mi lę yęn jlo dọ ofi he yęn te yewlę ga ni tin to dę; na yé nido to gigo sie he hię ko na mi pón: na hię yi-wanna mi řenukonna jijo aihon ton. 25 Otọ dódónọ E, aihon ma yon we: řigba yęn yon we, ehele sọ yonęn dọ hię wẹ do mi hlan. 26 Yęn sọ hen oyin towe zún yinyonęn hlan yé, bo nasọ hen ęn zun yinyonęn: na owanyi ehe hię do yi-wanna mi, nido tin to yé mę, podọ yęn to yé mę.

18 1 WHENUENA Jesu ko dọ ohó hele, é tónjęgbonu yi po nuplontọ eton lę po yi otọ Kédloni ton godo, ofi he ojipa de tin te, ehe mę é biọ, po nuplontọ eton lę po. 2 Juda, męhe dę e hia, yon ofi lọ ga; na whępoonu wẹ Jesu nọ yi fiņę po nuplontọ eton lę po. 3 Whęnuena Juda, whenuena é yi awhanpa dopo po awhangán lę po sọn ogán yęwhenọ lę ton, po Falesi lę po de, wá fiņę, yé po mi-yongbán po, po zówhán po, po adanwántu lę po. 4 Eņewutu whenuena Jesu yon onú he ja e ji, é tónjęgbonu yi, bo dọ hlan yé, dọ, Menu wẹ miwle to dindin? 5 Yé sọ gblon nę dọ, Jesu Nazaleti ton. Jesu sọ dọ hlan yé, dọ, Yęn wẹ ewọ. Juda ga, męhe dę e hia, tin to ote to yé de. 6 Eņewutu whenuena Jesu dọ hlan yé dọ, Yęn wẹ ewọ, yé jagọ yi godo, bo jai. 7 Eņewutu é sọ wọ kanbiọ yé dọ, Menu wẹ miwle to dindin? Yé sọ dọmọ, Jesu Nazaleti ton. 8 Jesu sọ gblon dọmọ, Yęn ko dọ na mi dọ, yęn wẹ ewọ: eņewutu eyin yęn wẹ miwle to dindin, mi gbo ehele ni yi: 9 na yé nido hen ohó lọ di, ehe ewọ ko dọ dọ, Sọn enele he hię na mi mę, yęn ma bu de gba. 10 Eņewutu Simóni Pita, męhe tindo ohí, dón ęn sún, bo hú afanumę yęwhenọ daho ton de, bo sán otó eton adusi ton dlanai. Oyin afanumę lọ ton wẹ Malkos. 11 Eņewutu Jesu dọ hlan Pita, dọ, Yi ohí towe do apa mę: kọfo he Otọ sie na mi, be yęn ma na nù in wẹ?

12 Mowę awhanpa lọ po awhangándaho po, po awhangán Ju ton lę po, wlé Jesu, bo bla ę, 13 bo plan ęn yi Anna whęwhę de, na ewọ wẹ yonwhęn Kaifa ton, męhe

yín yewheno daho to owhe ne me. 14 Kaifa lo we mehe na honame Ju le, do e tin je do ome dopo do ku na gbeto le.

15 Simoni Pita hodo Jesu, mokede we nuplonto devo de wa: ome yinyonen yewheno daho ton we nuplonto lo, e so biọ home je Jesu yi ohon yewheno daho ton me. 16 Sigba Pita site to hongbo go to gbonu. Whenu nuplonto devo lo, he yi ome yinyonen yewheno daho ton, tonjegbonu yi, bo doho hlan ewo he to honji ho, bo hen Pita biọ home. 17 Enewutu ovionnu he to honji ho, do hlan Pita, do, Be hie ma yin dopo to nuplonto dawe he ton le me? E so domo, Yen ma yin ode gba. 18 Dinvie afanume le, po ogan le po site to fine, ye mehe fiomiyon akan ton; na e basi avio me: ye to miyohu: Pita site to ye de bo to miyohu ga.

19 Enewutu yewheno daho kanbiọ Jesu na nuplonto eton le ton. po niplonme eton po ton. 20 Jesu so gblonna en, do, Yen doho gbangba hlan aihon; wheponu we yen no plonme to sinagogo me, podo to templi me, ofi he Ju le no yi to wheponu; yen ma do onu de to nuglo. 21 Etewutu we hie to kinkanbiọ mi? Kanbiọ mehe se ohó sie lo, onu he yen do hlan ye: do ayi e go, ehele yon owendagbe he yen do. 22 Whenuena e ko do ehe, dopo to ogan he site to fine le ton me yi alohóme eton do doasifen Jesu, domo, Yewheno daho we hie to hógblonna do mo? 23 Jesu so gblonna en, do, Eyin oylan we yen ko do hen kunnude oylan lo ton: sigba eyin dagbe we yen do, be etewutu we hie linu mi? 24 Enewutu Anna do e hlan bibla yi je Kaifa yewheno daho de.

25 Dinvie Simoni Pita site bo to miyohu. Enewutu ye do hlan en, do, Be hie ma yin dopo to nuplonto eton le me? E moe bo so domo, Yen ma yin ode gba. 26 Dopo to afanume yewheno daho ton le me, mehe yin hennume mehe Pita san oto na ton, domo, Be yen ma mo we po e po to oipa me? 27 Enewutu Pita so vo mon, afodoponeji koklo dose.

28 Enewutu ye plan Jesu son Kaifa de yi gbangan me fie ye no dawhe te: afonufifime we; ye losu ma biọ gbangan owhe da ton lo me gba, na ye ma na do flu; sigba na ye nido du juwayi. 29 Enewutu Pilati tonjegbonu yi ye de, bo domo, Owhejehó tewo mi hen wa

dawe he go? 30 Ye gblon bo do hlan en, do, Eyin dawe he ma yin oylanwato de, miwe ma do jo e hlan we gba. 31 Enewutu Pilati do hlan ye, do, Mllosu yi i, bo dawhena en kededi osen miton. Ju le do hlan en, domo, E ma je na mi gbon osen dali nado hu me de gba. 32 Na ohó Jesu ton nido di, ehe e do do wo oku he hunko e na ku hia.

33 Enewutu Pilati so vo gbangan owhe da ton me biọ, bo ylo Jesu, bo do hlan en, do, Be Aholu Ju le ton we hie? 34 Jesu so gblon domo, Hie do ehe na dewe, kavi mede do e na we gbon yen ton dali? 35 Pilati so gblon domo, Ju de we yen? Akota towe titi, po ogan yewheno le ton po we jo we hlan mi: etewe hie wa? 36 Jesu so gblon domo, Aholudu sie ma yin aihon he ton gba: eyin aholudu sie ko yin aihon he ton, be awhangán sie le do hoavun, na ye ma na do jo mi hlan Ju le: sigba dinvie aholudu sie ma yin son ofi gba. 37 Enewutu we Pilati so do hlan en, do, Be aholu de we hie? Jesu so gblon domo, Hie do do aholu de we yen. Hlan opodo he we ye ko do ji mi, podo hlan opodo he we yen do wa aihon me, na yen nido dekunnu hlan nugbo lo. Medepohe he yin nugbo ton se ogba sie. 38 Pilati so do hlan en, do, Ete we nugbo?

Podo whenuena e do ehe, e so vo tonjegbonu yi Ju le de, bo do hlan ye, do, Yen ma mo oylan depope to ewo me gba. 39 Sigba mi tindo owalo de do, yen ni no de ome dopo dai hlan mi to juwayi me: enewutu miwe jlo na yen ni de Aholu Ju le ton dai hlan mi? 40 Enewutu ye ome po so vo awhado do, Dawe he ma gba, adavo Balabas. Dinvie whébetọ de we Balabas.

19 1 ENEWUTU whenenu we Pilati yi Jesu, bo ho e. 2 Awhanvipe le so lon ojebakun owun ton de, bo yi sinyon ota ne, bo so yi awu ogefunwunme ton do ne, 3 bo domo, Oyinjla, Aholu Ju le ton! ye so yi alohóme yeton do doasifen en. 4 Enewutu Pilati so vo tonjegbonu yi, bo do hlan ye, do, Mi pon, yen so hen en jegbonu wa mi de, na mi nido yonen do, yen ma mo ylando de to ewo me gba. 5 Enewutu Jesu tonjegbonu wa, ye sinyon ojebakun owun ton ne bo so do awu ogefunwunme ton ne. Pilati so do hlan ye, domo, Mi pon dawe

lọ! 6 Enẹwutu whenuena ogán yẹwhenọ lẹ tọn, po ogán lẹ po mọ ẹn, yé dawhá daga dọ, Whẹ e do satin go! whẹ e do satin go! Pilati sọ dọ hlan yé, dọ, Mlọsu yi i, bo whẹ e do satin go: na yẹn ma mọ ylando de to ewọ me gba. 7 Ju lẹ sọ gbłonna ẹn, dọ, Mlẹwẹ tindo osẹn de, podọ gbọn osẹn nọ dali é yé nado kú, na ewọ yi ede do basi Ovi Jiwheyewhe tọn wutu. 8 Enẹwutu whenuena Pilati sẹ ohó he, obu di i humọ talala; 9 é sọ vọ gbangan owhẹda tọn me biọ, bo dọ hlan Jesu, dọ, Fie wẹ hiẹ sọn? Sigba Jesu ma na gbẹgbingblon de e. 10 Enẹwutu Pilati dọ hlan ẹn, dọ, Hiẹ ma dohó hlan mi? be hiẹ ma yọnen dọ yẹn tindo asẹ nado whẹ we do satin go, bo sọ tindo asẹ nado dẹ we do ote? 11 Jesu sọ gbłon nẹ domọ, Hiẹ ma do ko tindo asẹ de to oji e gba, adavo yé na we sọn aga: enẹwutu ewọ he jo mi hlan we wẹ tindo ylando klohú. 12 Ehe ji wẹ Pilati din nado dẹ de to ote: sigba Ju lẹ dawhá lélé dọ, Eyin hiẹ jo dawhe he dai, be hiẹ ma yin honton Sesali tọn gba: medepope he yi ede do basi ahọlu de, jagọ do Sesali. 13 Enẹwutu whenuena Pilati sẹ ohó he, é hẹn Jesu jẹgbonu wá, bo sọ sinai do ofin owhẹda tọn ji, to ofi he yé nọ ylo dọ, Zannutité, sigba to ogbẹ Heblu tọn me, Gabbata. 14 E sọ yin awuwle juwayi tọn gbẹ, to ogán sọdopotọ jlemẹ: é sọ dọ hlan Ju lẹ, dọ, Ml pón ahọlu mlton! 15 Enẹwutu yé dawhá lélé dọ, Dẹ e sẹ, dẹ e sẹ, whẹ e do satin go. Pilati sọ dọ hlan yé, dọ, Be yẹn na whẹ Ahọlu mlton do satin go? Ogán yẹwhenọ lẹ tọn domọ, Mlẹwẹ ma tindo ahọlu de, adavo Sesali. 16 Enẹwutu whenuenu wẹ é jo e hlan yé, nado yin whiwe do satin go.

Enẹwutu yé yi Jesu; 17 ewọ sọ yi gbonu hinhen satin ede tọn jẹ ofi otaka de tọn lọ, he yé nọ ylo to Heblu me Gọlgota: 18 ofi he yé whẹ e do satin go te podọ omẹ awe devo po e po, ode to awá he ji, awetọ to awá awetọ ji, Jesu tin to sẹnẹn. 19 Pilati sọ wlan owé de bo yi i do satin ji. Owé winwlan lọ wẹ, JESU NAZALETI TON, AHOLU JU LẸ TON. 20 Enẹwutu susu Ju lẹ tọn wẹ hia owé kinkan he; na ofi he yé whẹ Jesu do satin go te sẹpọ otódaho lọ: yé sọ kán ẹn to ogbẹ Heblu tọn me, to Gleki tọn me, podọ to Latini tọn me. 21 Enẹwutu

yẹwhenọ daho Ju lẹ tọn dọ hlan Pilati, dọ, A wlan dọ, Ahọlu Ju lẹ tọn blo; sigba dọ ewọ domọ, Yẹn wẹ Ahọlu Ju lẹ tọn. 22 Pilati sọ gbłon domọ, Onú ẓe yẹn ko wlan, yẹn ko wlan.

23 Enẹwutu awhanviplẹ, whenuena yé whẹ Jesu do satin go, yi avọ etọn, bo má ẹn do donú ẹnẹ, dopo hlan awhanviplẹ dopodopo; podọ awú etọn ga: awú lọ ma tindo titọten, yé lón ẹn sọn aga kaka yido. 24 Enẹwutu yé dọ to yéde sẹnẹn, dọ, Ml dike mí tlen ẹn blo, sigba mí ni do ovọ e ji, mehe tọn é na yin: na yé nido hẹn Owé wiwe di, ehe domọ.¹

Yé má avọ sise to yéde sẹnẹn,

Bo sọ do ovọ awú sise ji.

Enẹwutu onú hele wẹ awhanviplẹ lẹ wá. 25 Omẹ delẹ site to ofi he satin Jesu tọn te, onọ etọn po noviyonnu onọ etọn tọn po, Malia asi Kleopasi tọn, po Malia Magdalení po. 26 Enẹwutu whenuena Jesu mọ onọ etọn po nuplontọ lọ po, mehe Jesu yiwanna site to finẹ, é dọ hlan onọ etọn, dọ, Yonnu, pón ovisunnu towe. 27 Whenuenu wẹ é sọ dọ hlan nuplontọ lọ, dọ, Pón onọ towe. Sọn ojle nẹ me wẹ nuplontọ lọ ko plan ẹn yi owhé ede tọn gbẹ.

28 To ehogodo, Jesu yinyonẹn dọ yé ko dotana onú lẹpo to dinvie, na yé nido hẹn Owé wiwe di, é domọ, Ovẹ hú mi. 29 Yé zé núnzán de do ote to finẹ, ehe gọ na ovẹn vivé; mọwẹ yé sọ ylon tekan de do ovẹn vivé me, do atin hisope tọn ji, bo hẹn ẹn wá onú etọn. 30 Enẹwutu whenuena Jesu yi ovẹn vivé lọ, é domọ, E vọ: é sọ dẹ ota etọn, bo jo gbigbo etọn do.

31 Enẹwutu Ju lẹ, na é yin awuwlegbẹ wutu, dọ ogiọ ma na do tin to satin go to azán gbojẹ tọn gbẹ, (na azán daho de wẹ azán gbojẹ tọn nẹ) biọ to Pilati si dọ yé ni wẹn asapadahú yetọn, podọ na yé nido yin zizé sẹ. 32 Enẹwutu awhanviplẹ lẹ wá, bo wẹn asapadahú omẹ tintan tọn, po omẹ awetọ tọn po, he yé whẹ do satin go po e po lẹ: 33 sigba whenuena yé wá Jesu de, bo mọ dọ é ko kú, yé ma wẹn asapadahú etọn gba. 34 Sigba dopo to awhanviplẹ lẹ me yi owán, bo sọ adaja me nẹ, afodoponeji ohùn po osin po sá jẹgbonu. 35 Podọ ewọ he mọ ẹn de-kunnu, nugbo sọ wẹ okunnu etọn: é sọ yonẹn dọ nugbo wẹ é dọ, na mlẹwẹ ga nido yise. 36 Na yé wá onú hele, na yé

nido hen Owé wiwe di, Ohú eton de ma na yin gbigbà.¹ 37 Owé wiwe devo ga so domo, Yé na to pinpon mehe yé sòwhán.²

38 To onú helé godo wẹ Josefu Alimate ton, mehe yin nuplontọ Jesu ton de, sigba é ma yin to gbangba, na osi Ju lẹ tọn wutu, biọ to Pilati de na é nido zé osiọ Jesu ton sẹ: Pilati sọ degbè nẹ. Enẹwutu é wá, bo zé osiọ eton yi. 39 Nikodemi sọ wá finẹ ga, mehe wá é de dai to ozán mẹ, é hen ofusọ zuya po aloe po ton wá, é yi ojilé kanweko hunkọ. 40 Mowẹ yé zé osiọ Jesu ton, bo yi alá do bla ẹ po nuwẹnkún po, kẹdẹdile owáló Ju lẹ tọn yin to osiọ didi yeton mẹ. 41 Ojipa de tin to ofi he yé whè e do satin go te; oyòwhé yóyó de tin to ojipa lẹ mẹ, ehe mẹ yé ma tẹ omẹ depope do gbède. 42 Finẹ wẹ yé tẹ Jesu do, na awuwlezán Ju lẹ tọn wutu; na oyòwhé lẹ sẹpọ talala.

20 1 TO azán tintan osẹ gbè tọn to afonnuṣifime, whenuena zinvlú pò to ai, wẹ Malia Magdaleni wá oyòwhé lẹ kọn, bo sọ mọ dọ yé ko zé ozannu sẹ sọn oyòwhé lẹ ji. 2 Enẹwutu ewọ dowezun, bo wá Simọni Pita de, po nuplontọ devo lẹ po de, mehe Jesu yiwanyina, bo dọ hlan yé dọ, Yé ko zé Oklunọ sẹ sọn oyòwhé lẹ mẹ, mí ma sọ yón ofie yé ko tẹ ẹ do gba. 3 Enẹwutu Pita tọnjegbonu yi po nuplontọ devo lẹ po to yi yi lẹdo oyòwhé lẹ ji. 4 Mowẹ yé omẹ awe lẹ honwezun dopo: nuplontọ devo lẹ honwezun jenukonna Pita, bo wá oyòwhé lẹ kọn. 5 E fẹ, bo pón e mẹ, bo mọ alá lẹ to ai; sigba ewọ ma biọ e mẹ. 6 Whenẹnu Simọni Pita, he hodo e, wá, bo biọ oyòwhé lẹ mẹ, bo mọ alá to ai. 7 Podọ dukù, he tin to ota eton dali, ma to opọ po alá lẹ po gba, sigba yé há ẹ dopo do apadopo na ede. 8 Enẹwutu whenẹnu nuplontọ devo lẹ, mehe wẹnwhé wá oyòwhé lẹ kọn, biọ e mẹ ga, é mọ, bo sọ yise. 9 Na kaka jẹ dinvie yé ma ko yón Owé wiwe lẹ, dọ ewọ ma sọgan nọ ma tón sọn okú. 10 Mowẹ nuplontọ lẹ lẹ yi owhé yeton titi gbè.

11 Sigba Malia site to oyòwhé lẹ kọn to gbonu, bo to avivi: mowẹ le é to avivi, é fẹ, bo pón oyòwhé lẹ mẹ, 12 bo mọ

angeli awe avọ wéwénọ sinai, ode to ota dali, aweto to afọ dali, to ofi he osiọ Jesu tọn mlónai te. 13 Yé sọ dọ hlan ẹn, dọ, Nawe, etẹwutu hiẹ to avivi? Ewọ sọ dọ hlan yé, dọ, Na yé ko zé Oklunọ sie sẹ, yen ma sọ yón ofi he yé té ẹ do wutu. 14 Whenuena é ko dọ le, é lẹ ede pón godo, bo mọ Jesu to ote, é ma yonẹn dọ Jesu wẹ gba. 15 Jesu sọ dọ hlan ẹn, dọ, Nawe, etẹwutu hiẹ to avivi? Menu hiẹ to dindin? E len dọ opahoto lẹ wẹ, é sọ dọ hlan ẹn, dọ, Medaho, eyin hiẹ ko zé e sọn ofi, dọ ofi he hiẹ té ẹ do na mi, yen nasọ zé e sẹ. 16 Jesu dọ hlan ẹn, dọ, Malia. Ewọ sọ lẹ ede, bo dọ hlan ẹn, dọ, Labboni; ehe yin, Meplontọ. 17 Jesu sọ dọ hlan ẹn, dọ, A do alọ ogo e blo; na yen ma ko heji yi Otọ sie de gba: sigba yi memesunnu sie lẹ de, bo dọ hlan yé, dọ, Yen heji jei Otọ sie po Otọ mlton po de; podọ Jiwheyewhe sie po Jiwheyewhe mlton po de. 18 Malia Magdaleni wá, bo dọ hlan nuplontọ lẹ dọ, Yen ko mọ Oklunọ, podọ le ewọ ko dọ onú helé hlan ẹn do.

19 Enẹwutu whenuena é yin whẹjai azán doponẹ tọn, azán tintan osẹ tọn, whenuena yé ko sù ohon lẹ, to ofi he nuplontọ lẹ pli do, na osi Ju lẹ tọn wutu, Jesu wá, bo site to yé sẹnẹn, bo dọ hlan yé, dọ, Jijoho ni tin hlan mi. 20 Whenuena é ko dọ ehe, é do alọ eton po adaja eton po hia hlan yé. Enẹwutu nuplontọ lẹ yin homẹhunno, whenuena yé mọ Oklunọ. 21 Enẹwutu Jesu sọ wọ dọ hlan yé, dọ, Jijoho ni tin hlan mi: le Otọ do mi hlan, yèdọ mọ wẹ yen do mi hlan do. 22 Podọ whenuena é dọ ehe, é gbò do yé ji, bo dọ hlan yé, dọ, Mí yi Gbigbo Wiwe: 23 ylando medepepe tọn lẹ mi jona, yé yin jijona hlan yé; ylando medepepe tọn lẹ mi hẹndote, yé yin binhẹndote.

24 Sigba Tomasi, dopo to omẹ wiawe lẹ mẹ, he yé nọ ylo * Didimu ma tin to yé de whenuena Jesu wá gba. 25 Enẹwutu nuplontọ he pò lẹ dọ hlan ẹn, dọ, Míwẹ ko mọ Oklunọ. Sigba ewọ dọ hlan yé, dọ, Adavo yen mọ apa ohungan tọn to alọ eton mẹ, bo sọ yi alọviyeyẹ sie do apa ohungan lẹ lẹ tọn mẹ, bo sọ yi alọ sie do adaja eton mẹ, yen ma na yise.

26 To azán sinatọn godo, nuplontọ eton lẹ sọ wọ tin to homẹ, Tomasi tin to

* Pón, ota 11. 16.

yé de : Jesu wá, le ohòn lẹ to sùsu, bo site to sènsen, bo dómọ, Jijọho ni tin hlan mi. 27 Whenẹnu wẹ é dọ hlan Tọmasi, dọ, Yí aloyiyeyẹ towe wá ofi, bo pón aloyi, bo sọ yí aloyi towe wá ofi, bo yí i do adaja sie mẹ: hiẹ yín mayisenọ blo, sigba yisenọ. 28 Tọmasi sọ gblon bo dọ hlan ẹn, dọ, Oklunọ sie, Jiwheyẹwhe sie. 29 Jesu sọ dọ hlan ẹn, dọ, Tọmasi, na hiẹ mọ mi wutu wẹ hiẹ yise; donanọ wẹ yé he ma mọ bo yise lẹ.

30 Enẹwutu ohia susu devo lẹ wẹ Jesu basi, to nuplontọ lẹ nukon, ehe yé ma wlan do owé he mẹ: 31 sigba ehele wẹ yé wlan, na mi nido yise dọ, Jesu wẹ Klisti, Ovi Jiwheyẹwhe ton; dọ to yiyise mẹ mi nido tindo ogbẹ to oyin eton mẹ.

21 1 TO onú hele godo, Jesu sọ vọ ede dohia hlan nuplontọ lẹ to ohùtọ Tibéliade ton; le wẹ é do ede hia gbọn. 2 Simọni Pita po Tọmasi po, mẹhe yé nọ ylo Didimu, po Natanaeli Kana Galili mẹ ton po, po ovisunnu Zẹbedé ton lẹ po, podọ awe devo sọn nuplontọ eton lẹ mẹ, tin to opọ. 3 Simọni Pita dọ hlan yé, dọ, Yẹn jei whevi hù gbé. Yé sọ dọ hlan ẹn, dọ, Mí na yí he we ga. Yé tọnjẹgbonu yí bo biọ vátlẹ lọ mẹ to afo-doponjẹ; to ozán nẹ mẹ yé ma wlé nudẹpo. 4 Sigba whenuena ai to hinhon, Jesu site to ohùtọ: sigba nuplontọ lẹ ma yonẹn dọ Jesu wẹ gba. 5 Enẹwutu Jesu dọ hlan yé, dọ, Yoppo emi, mi tindo núde nado dù? Yé sọ gblonna ẹn, dọ, Lala. 6 E sọ dọ hlan yé, dọ, Mí dlan odọ do adusiwaji vátlẹ lọ ton, mi nasọ mọ. Enẹwutu yé dlan, yé ma sogan dọn ẹn na ogégé whevi ton. 7 Enẹwutu nuplontọ nẹ mẹhe Jesu yiwanna dọ hlan Pita, dọ, Oklunọ wẹ. Whenuena Simọni Pita sẹ dọ Oklunọ wẹ, é sin whehùtọwu eton do ogo, (na omẹ wẹ é te,) é sọ lón jẹ ohù mẹ. 8 Nuplontọ devo lẹ sọ zon vátlẹ pẹvi de mẹ wá; (na yé ma dẹn do age, sigba é sọ awágba fode,) bo to odọ lọ dọn po whevi lẹ po. 9 Mọwẹ whenuena yé wá age, yé mọ miyonkán to fiń, yé tẹ whevi de do e ji, pe akla de po. 10 Jesu sọ dọ hlan yé, dọ, Mí yí vude to whevi he mi hù dinvie lẹ mẹ wá. 11 Enẹwutu Simọni Pita heji yí aga bo dọn odọ jẹ age, é gọ na whevi gbọgo, kenńe é whe sianwe: le yé sù sọ, odọ lọ ma tlen. 12 Jesu sọ dọ hlan yé, dọ, Mí wá dùnà.

Mẹdepope to nuplontọ lẹ mẹ ma ha nado kanbiọ é dọ, Menu wẹ hiẹ? na yé yonẹn dọ Oklunọ wẹ. 13 Jesu sọ wá, bo yí akla bo yí na yé, mọkẹdẹ wẹ whevi ga. 14 Ehe dinvie wẹ whlatntọ bọ Jesu do ede hia hlan nuplontọ lẹ, to godo he é fón sọn osiọ lẹ mẹ.

15 Mọwẹ whenuena yé ko dùnà, Jesu dọ hlan Simọni Pita, dọ, Simọni, ovisunnu Jona ton, hiẹ yiwanna mi hù ehele? E sọ dọ hlan ẹn, dọ, Mọwẹ, Oklunọ; hiẹ yonẹn dọ yẹn yiwanna we. E sọ dọ hlan ẹn, dọ, Yín lengbovu sie lẹ. 16 E sọ vọ dọ hlan ẹn whlawetọ, dọ, Simọni, ovisunnu Jona ton, hiẹ yiwanna mi? E sọ dọ hlan ẹn, dọ, Mọwẹ, Oklunọ; hiẹ yonẹn dọ yẹn yiwanna we. E sọ dọ hlan ẹn, dọ, Yín lengbo sie lẹ. 17 E sọ dọ hlan ẹn whlatntọ, dọ, Simọni, ovisunnu Jona ton, hiẹ yiwanna mi? Pita gblehomẹ na é dọ hlan ẹn whlatntọ, dọ, Hiẹ yiwanna mi wutu? E sọ dọ hlan ẹn, dọ, Hiẹ yon onú popo, Oklunọ; hiẹ yonẹn dọ yẹn yiwanna we. Jesu dọ hlan ẹn, dọ, Yín lengbo sie lẹ. 18 Nugbo, nugbo, wẹ yẹn dọ hlan we, whenuena hiẹ tin aflanmẹ, hiẹ nọ blagbajana dewe, bo nọ zinzoulin yí ofi he hiẹ jlo : sigba whenuena hiẹ na pọyónhó, hiẹ na dlen aloyi towe lẹ jẹgbonu, mèdevo na blagbajana we, bo sọ dọn we yí ofi he hiẹ ma jlo. 19 E dọ ehe dinvie, do dohia okú he mẹ é na pagigona Jiwheyẹwhe gbọn. Podọ whenuena é ko dọ ehe, é dọ hlan ẹn, dọ, Hodo mi. 20 Pita lilẹgodo, mọ nuplontọ lẹ, mẹhe Jesu yiwanna, ja to godo; mẹhe dé hlangodo to akónnu eton, to núdùdù tenu ton kọn, bo dómọ, Oklunọ, menu wẹ ewọ he na dè we hia? 21 Enẹwutu Pita mimọ ẹn dọ hlan Jesu, dómọ, Oklunọ, etẹ wẹ dawẹ he na wá? 22 Jesu dọ hlan ẹn, dọ, Eyín yẹn jlo dọ ewọ ni notẹ kaka yẹn na do wá, etẹ wẹ enẹ yín hlan hiẹ? hiẹ to hihodo mi. 23 Enẹwutu ohó he gbapẹ memesunnu lẹ sènsen, dọ nuplontọ nẹ ma na kú gba: gansọ Jesu ma dọ hlan ẹn, dọ, Ewọ ma na kú gba; sigba, Eyín yẹn jlo dọ ewọ ni notẹ kaka yẹn na do wá, etẹ wẹ enẹ yín hlan hiẹ?

24 Ehe wẹ nuplontọ lẹ he dekunnu onú hele ton, bo sọ wlanwe onú hele ton: míwle sọ yonẹn dọ nugbo wẹ okunnude eton.

25 Onú susu devo lẹ tin ga he Jesu wá, ehe, eyín yé na wlanwe yé omẹ pót ton dopodopo, yẹn lenpón dọ sihon lọsu ina na hẹn owé he yé do wlan lẹ gba. Nişẹ.